

1546. Geogr. 169.

We. 8482.

40



Biblioteka Jagiellońska

We 8482

MOSCOVIA

HOC EST,

De origine, situ, regionibus, moribus, religione, ac Republ

MOSCOVIÆ

COMMENTARIUS

Auctore

SALOMONE NEVGEBAUERO

à Cadano.

*Accesit tabula MOSCOVIÆ
Geographica.*

GEDANI

Typis Andreae Hünfeldi.

ANNO

SVperne Regi Meo à Deo VICTORIA.

322

AUCTOR

ad
ZOILUM.

EX osibus lectum tibi
Hic porrigo os, ô Zoile,
Hoc rode sis, & linquito
Mī chartulas innoxias.



627596

Illustr.

ILL^{mo} ET REV^{mo}
PRÆSULI AC DOMINO
D. LAURENTIO
GEMBICKI
EPISCOPO VLADISLAVIÆ
POMERANIÆQUE

MAGNO POLONIÆ CANCELLARIO
REGNI
SENATORI EMINENTISSIMO

Huncce
MOSCOVIÆ COMMENTARIUM

Amicorum persuasu & inductu

CONSCRIPTUM:

Ut robusto tanti herois patrocinio
à Zoilis atque vituperonibus vindicetur,
Et hoc quali quali publico præconio
Observant. cultusq; monumentum consecretur:
PRO INSIGNI ILLA BENEFICENTIA

A 2. QUA

QUA ET ANTE TRIENNIIUM ME EX GALLIA
ILL. CUM DD. FIRLEIIS REDUCEM LOBAVIÆ,
ET PROXIMIS IN COMITIIS VARSAVIÆ,
illustrem ad mensam sæpius admissum,
munificâq; tandem cum gratiâ dimissum
INCLITUS HIC MUSAGETA

nullo meo merito liberalissimè affecit:

L. M. Q.

Instar votiva simul ineuntis anni strenula

D. D. D.

SOLOMON NEUGEBAUER

à CADANO.

A. C. C I D I D C XII

IN

IN
MOSCOVIAM

Viri nobilis & clarissimi,

D. SALOMONIS
NEUGEBAUER

à CADANO.


Mirum, vix quisquam culto reperitur in orbe,
Cui sit delictum barbara barbaries.
Sunt tamen, ingenti qui perfunduntur amore,
Cum de barbarie haud barbara scripta legunt.
Moscorum certè qui barbara facta sequatur,
Nullus erit; quid enim? nil nisi barbaries.
Qui tamen expendant hæc te duce NEUGEBAUERE,
Percupidèque legant, plurimi, opinor, erunt.
Quidni? sermo brevis, concinnus, & ordo perennis,
Hæc tria Lectorem suaviter afficient.

JOANNES DEMETRIUS
GORAYSKI
à Goray.

A 3

IN

In eandem
PHALEVCVS
SBIGNEI GORAISKY
à GORAY.

 *Ua sermone frequentius feruntur,
Hac & scripta libentiùs leguntur:
Mos est omnibus unice probatus.*

*Quem noster bene novit ille NEVGEB-
BAVER, sedulus ille singularum,*

Acta qua, vel aguntur, annotator.

Hoc scripto iubet esse notiozem,

Nobis MOSCOVIÆ situm atque ritum,

Quam dudum celebramus ore passim.

Hinc amplum tibi surgit argumentum,

Laudis, & meritò vidère dignus,

Cui Musa aureolam parent corollam.

Benevolentia ergò
script.

JOHANNES DEMETRIUS
GORAYSKI
à Goray.

M^{re} LAUBANI

M^{re} LAUBANI
IN
MOSCOVIAM

Nobil. & prastant. viri
SALOMONIS NEVGEBAVERI
à Cadano Borussi

EPIGRAMMA.

F Abula nunc Mosci sunt publica in omnibus oris;
Symposia hos passim, compitaque ipsa sonant.
Longa gravisque tamen fuerit via, plenaque damni:
Si loca ames propriis nunc ea nosse oculis.
En tibi sed medium se NEVGEBÆRVS obinfert,
Nostræ & avitæ auctor commodus historiæ.
Arte suâ nobis sumptuque dat hacce papyro;
MOSCOVIAM extra ipsam cernere MOSCOVIAM,
Flumina, agros, silvas, urbes, sacra, jura, penates,
Cum populo ditces quisque deinde domi.
Regna SIGISMUNDO qui Moscoviana, quod opto,
Dedet: inoccidua hunc gloria laude vehet,
Regna cuique offers qui Moscoviana: deinceps
Gloria sit dispar NEVGEBÆRE tibi?

ΕΙΣ ΤΑΥΤΗΝ
ΤΗΣ ΜΟΣΚΟΒΙΑΣ
ΙΣΤΟΡΙΑΝ.

Ἰσχυρὴν συγγαμψόμενος, καὶ πάντα κατ' αἶσαν
ἐν τῇδ' εὐφρονείᾳ συγκαταβέβηκτος,
θεῶτα φιλοπόνησας τηρεῖται: πῶς χρόνον, αὐτὴ
πὺν πίπῃ, ἀνθρώπων ἤθει καὶ φύσει:
σημεῖός τε καὶ ἀτρεκέως λεγέται, καὶ ἀμέμπτως:
θεὸς χάριν, ἣ μᾶλλον μὴ πῶς ἀπαβλεπείτω,
ἰσχυρὸς νόμος ἐστὶ σφῶς, φανερώς, καὶ ἀληθῶς,
ἀπείσως τ' ἀνδρῶν ἤθει ἀπικέτω γράφω.
ἰσχυρὴ ΣΑΛΟΜΩΝ' τῆδε ΝΕΥΓΕΒΑΗΡ ἐνὶ τῇδε
ΜΟΣΚΟΒΙΩΝ μερόπων πόλιν' ἐφύλαξεν ἄρ',
ἰσχυρὸς τηρεῖ νόμον, ὅντι καὶ κλέος αὐτῷ
ἔσται τῷ θανάτῳ ἀμείνονι, εἰδὼς.

ΔΑΔΑΜ ΦΡΕΙΤΑΓΙΟΣ

μεγαλῆς.



MOSCOVIAE

CAPUT I.

*De Moscorum origine, linguâ, nomine,
& potentiâ.*

MOSCI gens seu potius progenies Russo-
rum, olim teste Plinio Roxolani dicti sunt, Mosco-
rum ori-
go.
quos tamen commutata aliquantulum litera
Ptolomæus tabula Europæ octava Rosola-
nos nominat, communiter olim Rusli dicti, nomen â
quodam RUSSO fratre seu nepote LECHI Polonorû
principis, vel ab oppido vetusto Russo nuncupato, non
longè à Novogrodo sive Novogardia magna, vel etiâ
à fulco gentis ejus colore sortiti sunt. At enim Mosci ad
veritatē propiùs accedentes, Rossejam antiquis appel-
latam asserunt, quasi gentem dispersam seu dissemi-
tam, id quod nomen ipsum indicare videtur: Rosseja
enim Russis disseminatio seu dispersio dicitur. Quod
ita se habere, varij populi incolis etiamnum permixti,
& diversæ provinciæ RUSSIÆ passim immixtæ ac
interjacentes palàm testantur. Moscis ut origo, ita Moscorû
& lin-
lingua;

B

& lingua communis est cum Russis, Polonis, Casubijs, Silesijs, Bohemis, Moravis, Bulgaris, Croatis, Raſciis, Serbijs, Illyrijs, ac universo nomine Slavonico, licet dialectis adeo varient, ut nonnulli ex his populis vix se invicem intelligant. In hanc linguam libri sacri non pauci operâ divi Hieronymi & Cyrilli translati sunt. Præter quoque annales patrios Alexandri etiam Magni, Romanorumque Cæsarum, itemq; M Antonij & Cleopatæ memoriam iis commendatam literis tenent. Acceperunt autem nomen Molci, vel ab urbe MOSQUA, illius regionis metropoli & regiâ Principis Moscorum, vel, ut alius, & quidem rectius, placet, à MOSQUA fluvio urbem alluente. Genus Rusiæ Principum referunt annales Rusfici ad VARAIOS fratres tres, Ruricum, Sineum, & Truborum, qui circa annum Christi octingentesimum sexagesimum primum apud Russos Septentrionales regnasse feruntur. Ac RURICUS quidem natus major Novogardiæ, reliqui duo fratres aliis Rusiæ partibus Biælojeziorensi & Isboriensi præfuere, quibus tamen non multo post, nullâ prole relictâ, defunctis, Ruricus in ditionibus illis successit, & filium IGORUM post se reliquit. Hic ex Olga Pleſcovienſi filium SVENTOSLAUM sive Stoslaum suscepit, qui multa cum vicinis bella gessit, tandemque ab illis cæsus est, filijs

Moscorum nomen.

Origo Principum Moscorum.

tribus, Ieropolco, Olega, & Ulodimiro, inter quos adhuc vivens principatum partitus erat, relictis. Et IEROPOLCO quidem Kioviam, OLEGO Dreulanos (qui fortè Bulgari sunt, à lignis vel sylvis ita dicti) VLODIMIRO verò è Malusſa concubina procreato Novogardiam concessit. Hic fratribus, qui bellum ipsi intulerunt, à se peremptis, Rusiâ potius est tota. Ab hoc omnes dein Rusiæ Principes profectos, proditum est. Is enim, cum duodecim reliquisset filios, Rusiæ principatum inter eos sic diviserat, ut Visſellao natum majori Novogrodum, Izaſlao Poloscum, Stopolco Tuveram, Iaromiro Rostoviam tradiderit. Nec multo post defuncto Visſellao, attribuit Novogrodum Iaroslao, Rostoviam Borisſo, Glebo Muromum, Stoslao Derevos, Vuſevolodo Vulodimiriam, Meſciſlao Torocanum, Stanislao Smolenscum, Sudislao Pleſcoviam, Podvviſo Volyniam. Verum ij partitione paterna non contenti, post mortem eius bellum inter se civile concitabant. Ex his SVENTOPOLCUS, qui cognita patris morte Kioviam occuparat, duobus fratribus Glebo & Borisſo, qui postea à Russis in divorum numerum relati sunt, dolo occisis, à Jaroslao tertio fratre cæſorum necem ulciscente, superatus, & Kioviensî principatu ejectus, in Poloniâ ad BOLESLAUM Regem confugit, cujus ro-

gatu Boleslaus adversus Iaroslauum expeditionem suscepit, eumque profligavit. Post illos VLODIMERUS cognomento Monomachus Iaroslai ex Vuses volodo nepos, cuius adhuc hodie apud Russos nomen est, imperio potitus fuit. Quod interpellatum quidem interim à posteris Sventoslai, qui avitum recuperare principatum conati fuerant, penès Vlodimiri posteritatem nihilominus remansit, ac sequentibus temporibus Andreas Susdaliensis Dux, ab eadem Vlodimiri stirpe profectus, foedere cum undecim aliis cognatis ducibus inito, eiectionis Vlodimiri monomachi posteris, qui Kioviam tenuerunt, MICISLAUM filium ei imposuit. Hic primus principatū in Susdaliensem domū imperiique domicilium Vlodimiriam transtulit, cum initio imperii Rusfici sedes Novogardiæ, inde Kioviæ, posterioribus verò temporibus, priusquam Moscoviam à Daniele Moscorum Principe ALEXANDRI filio transferretur, Vlodimiria fuisset. Eum Principatum qui tenebat, licet imperium in reliquos cognatos Duces non haberet, Magni tamen Ducis nomine utebatur, dignitateque ac honore, cæteris maiestatem eius comiter observantibus, antecederat. Cumque honoris antea vel successione, vel reliquorum omnium studiis uni deferretur, interdum vi & armis

armis occuparetur, postquam eos Tartari sibi subiecissent, GEORGIO Principe victo caesoque, ab iis peti coepit. Ab illo enim tempore Russi Tartaris tributarii fuere, atque ex ipsorum arbitrio Duces sibi constituere. Danieli successit filius natu minimus IOHANNES cognomento Kaleta, quod assidue ad erogandas eleemosynas peram secum gestaret. Huius filii fuere Simeon, Iohannes, & Andreas. SIMEONI pater Vlodimiriam & Moscoviam adsignavit, cui absque liberis mortuo successit IOANNES frater, qui filium habuit DEMETRIUM, ex quo nati sunt Basilus, Georgius, Andreas, Constantinus, & alii tres. BASILIUS post patrem imperavit. Hic, filio suo cognomini ob matrem adulterii suspectam præterito, moriens fratri GEORGIO gubernacula tradidit, qui nepotem diu in vinculis detinuit. Moriturus tamen, quamvis duos haberet filios, Andream & Demetrium, (conscientia fortè per mortis) BASILIO nepoti imperium tradidit. Cui postea patruelles, conspiratione contra eum facta bellum faciunt, eumque regno exuunt, ac tandem oculis privant. Verum à Novogardensibus adjutus, imperium recuperavit, & pacatè illud obtinuit. Successit illi IOANNES filius, qui rebus Rusficis obscuris adhuc magnam claritatem attulit, primusque eam, ad quam

quam nunc excreverunt, potentiam fundavit. Ducum reliquorum filios & nepotes, quos potuit, e medio sustulit. Novogardiam Magnam, totius Septentrionis emporio celeberrimam urbem, per fraudem cepit, & in servitutem redegit, & complures arces atque castella finitima, quæ magno Ducatui Lithvanix parebant, sui juris fecit. Primus hic Polonis & Livonibus bellum intulit, Tartarorumque jugum primus excussit. Pari ratione filius eius **BASILIVS** potentiam, cuius pater fundamenta jecerat, in immensum ferè auxit. Smolenscensem Ducatum **SIGISMUNDO** Regi Poloniae proditione Michaelis Glinscii Rusii Ducis eripuit. Casanos terra marique oppugnavit, duces agnatos ditionibus suis privavit, & Plescoviam civitatem liberrimam ac ditissimam suæ potestati subiecit. Ei successit **IOANNES BASILIDES** cognomine, qui Casanensè & Astracanensè regna suæ potestatis fecit, & mari Caspio in potestatem accepto, ad Persidem ferè imperium protulit. Livoniæ maximam partem per Livonum dissensionem occupavit, Polociam temporibus Augusti Regis cepit, cum Svecis prospero successu bella gessit. Eò denique potentia pervenit, ut non finitimis modò, sed remotioribus etiam quibusque gentibus terrori esset, omnesque alios Principes præ se contem-

neret

neret ac nullam gentem esse existimaret, quæ potentia atque opibus secum contendere posset, aut auderet. Huic ex priore conjugè Anastasiâ duo fuerunt filii, Ioannes & Theodorus: ille acer & impiger, hic stupidus, & ad regni gubernacula inhabilis. Ac Ioannes quidem post à patre scipione ferrato percussus, magno cum patris dolore obiit, tyrannus verò matrimoniū aliquoties cum nobilibus quibusdā puellis repetijt, easque, ni intra menses aliquot prolem conciperent, in monasterium detruxit. Tandem ex septima, quam id temporis, cum Rex **STEPHANVS** felicissimæ memoriæ Vielicoluco in potestatem suam redactò ingentes in Moscoviam copias admirabili cum terrore omnium circumduceret, duxit, filium Demetrium suscepit. Cum verò Mosci matrimonii iterationem admodum detestentur, ac quartum, ne dum septimum, pro illegitimo & Christiano homine indigno habeant, Demetrius hic non admodum in precio habitus cum matre in Ducatum Susdaliensem ablegatus est, ibique à Præfecti sui filio cultro læsus, miserè periisse perhibetur. De quo tamē alii aliter. **IOANNI** Basilidi extincto successit filius **THEODORVS**, ingenij stupiditate laborans, cui pater Consiliarios ex præcipuæ notæ proceribus quatuor adjunxit, qui novi principis ac Reipublicæ salutem curarent, Sub quo Mosci

Mosci liberio rem vivendi rationem ingressi, facu'tati-
bus amplificandis operam dederunt, aliumque & qui-
dem politioris victus corporisque cultum secuti sunt.
Cum verò annis tredecim imperio præfuisset, tandem
absque prole ex hac vita excessit. Huic successit BO-
RISSUS HODUN, cujus sororem Theodorus de-
functus princeps sin matrimonio habebat, unanimi o-
mnium consensu ad regni gubernacula vocatus, quòd
cum vivo adhuc Theodoro summam rerum obtine-
ret, comitate ac benevolentia multorum animos sibi
conciliaffet. Ad fastigium hoc evectus, summâ in
imperio constituendo prudentiâ usus est, ac mi itibus
primùm omnibus ac præsidarijs stipendia persolvit,
Germanis ex Livonia annis superioribus in Mosco-
viam abductis liberam ad suos redeundi facultatem,
reliquis verò manere volentibus privilegia atque im-
munitates concessit, virginibus etiam pauperioribus
dotes ac vestimenta largitus est. Hoc ita imperium
administrante, DEMETRIUS in Polonia redivivus
factus est, qui secundùm alios aliquot ante annis Bo-
rissi iussu, ne ipsi ad imperium obstaculo esset, cædi de-
stinatus erat, sed astu puer eiusdem ætatis, & vultu non
absimilis subornatus, ejus in locum interfectus est.
Interim hinc inde in monasterijs apud suos educatus,
in Rusiam tandem pervenit, fortunamque suam ac
genus

genus Constantino Visniovecio Duci, & dein Geor-
gio Mnischek Palatino Sendomiriensi indicavit, adeò
constanter, ut quibusdam signis fidem plerisque face-
ret. Itaque quinque milibus militum clam conscri-
ptis, quibus deinde non parva manus limitaneorum,
eorumque veteranorum accessit, duce Palatino Sen-
domiriensi in Moscoviam contendit. Ac primùm
quidem cum exercitu Borissi, ad quem jam fama de
Demetrio pervaserat, collatis signis conflavit, variâ ini-
tiò fortunâ, sed post Demetrio in fugam acto. Qua
clade acceptâ Demetrius Rilecum arcem profugit,
ubi non exiguam suorum partem è fuga collegit, ac
per dies aliquot corpora refici jussit. Quò loci haud
multò post Borissi exercitus ad Demetrium inde ex-
pellendum venit, quo cum Demetrius congressus, eos
non paucis interfectis fudit fugavitque. Ad quam
fortunæ inclinationem quinque opportunæ situ arces
unâ cum subjectis territoriis sponte se Demetrii pote-
stati permisere. Dum hæc fiunt, Borissus audien-
dis exterorum Principum legatis vacans, repente non
sine veneni suspitione mortem obit. Quam secuta est
magna animorum mutatio. Demetrius enim ex in-
certo certum sibi regnum habere visus, ipsum Mosco-
viæ metropolin nulla morâ interposita ingressus, in-
genti populi acclamatione magnus Dux salutaris, ac
C paulò

paulo post diademate insignitus est. His peractis, & provinciis, ut videbatur, tranquillatis, legatum in Poloniam ad Regem misit, petentem, ut sibi MARIANAM Georgij Mnisicij Palatini Sendomiriensis praelare de se meriti filiam ducere uxorem liceret. Cum qua post anno sequenti nuptiae magno splendore in ipsa Moscoviae metropoli celebratae sunt, & nuptiis non dum finitis a suis crudelem in modum trucidatus est. Atque haec de origine, situ, ac potentia Moscoviae Principum pauca praemissa sunt.

CAPUT II.

De amplitudine ac terminis M. Ducatus Moscoviae.

Magni-
tudo
Mosco-
viae.

Proteritur autem Moscorum Principis imperium adeo longe lateque, ut aliquot Asiae spacia complectatur, aliquot etiam Europae, ea quae minime parva. Sunt qui illud in longitudinem ad septingenta milliaria Polonica seu Germanica obtinere affirmant, a Livoniae finibus usque ad Iuhoriam in Asia: in latitudine vero ad mare Caspium ad sexcenta. Bilibaldus Pirckheimer Norinbergensis, qui vixit tempore Basilii magni Ducis Moscorum, in Germaniae suae descriptione asserit, Moscorum ditiorum per quingenta milliaria Germanica & magna quidem in orientem se extendere. Cui sententiae evidenter subscribit Mathias Miechovius rerum Polonicarum non indiligens scriptor in sua Sarmatia Europaea, dum a Smolensco per Moscoviam urbem ad Orientem progrediendo usque ad Iuhoriam sive Iuhram, qui Moscoviae terminus versus Scythiam est, quingenta milliaria integra numerat. Accessere post Casanensem & Astracanensem Tartarorum regna, a IOANNE BASILIDE tyranno Moscoviae

Moscoviae adiecta, quae ferè ad ducenta milliaria patent. Est igitur MOSCOVIA hinc inde varijs gentibus conterminata: à meridie atque oriente Tartaris cingitur, septentrionale latus Oceanus Scythicus ambit, ad occidentem tenent Lapones gens sylvestris, nec ulli populo commercio linguae nota. Post hos Austrum versus incolunt Sueci, Finlandi, Livones, & iuxta hos Litvani.

CAPUT III.

De Chorographia Moscoviae, ac primum de Ducatibus.

Continet autem Moscovia in se Ducatus, provincias, regiones, & populos varios. Ac inter Ducatus quidem MOSCOVIA principatum tenet, provincia nec lata nimis, nec fertilis: cuius fecunditati ager ubique arenosus, qui mediocri siccitatis aut humiditatis excessu segetes enecat, plurimum officit. Accedit ad haec aspera nimis aeris intemperies, quae hyemis rigore solis calorem superante lata quandoque ad maturitatem non perveniunt. Etenim tam intensa ibi nonnunquam sunt frigora, ut quoadmodum aestatis tempore apud nos aestu nimio, sic ibi frigore immenso terra in hiatum dilcedat: aqua etiam tum in aërem effusa, sputumque ex ore projectum, antequam terram contingat, gelentur. Tota porro regio non ita diu admodum silvosa fuit, id quod ex magnarum arborum truncis, qui etiam nunc extant, apparet. Quae quamvis agricolarum studio ac operâ satis culta sit, ijs tamen, quae in agris prove-

Termini
Mosco-
viae.

Mosco-
viae chorographia.

Mosco-
viae regio.

proveniunt, exceptis, reliqua omnia ex circumjacentibus provinciis. eò afferuntur. Nam frumento oleisque abundat. communibus: cerasa dulciora, nucesque (avellanis tamen exceptis) inibi non reperiuntur. Aliarum arborum fructus habent, sed insuaves. Melones autem singulari cura ac industria seminant, terram fimo permixtam in areolas quasdam altiores componunt, inque eas semen condunt. Hac arte calori ac frigori immoderato aequè succurritur. Nam si fortè æstus nimius fuerit, rimulas tanquam spiracula quædam, ne semen calore nimio suffocetur, per fimum terræ mixtum faciunt: in frigore verò nimio lætaminis calor seminibus reconditis præstat auxilium. Melle hæc provincia ferisque præter lepores caret. Animalia nostris longè minora sunt, neque tamen cornibus destituuntur, ut Michovius refert in Sarmatia Europæa. Jam verò urbs ipsa MOSCOWIA inter reliquas Septentrionis civitates eminentissima, orientem verò multum porrigitur, tota lignea satisque ampla, quæ procul spectantibus amplior, quam re ipsa sit, apparet. Nam horti areæque in qualibet domo spaciøsæ magnam Urbis accessionem faciunt, quam fabrorum aliorumque opificum igni utentium extra civitatem longo ordine protensa ædes, inter quas sunt prata & agri, etiam adaugent. Ab urbe haud

Moscor
via civi-
tas.

longiusculè domunculæ quædam apparent, & transfluvium villæ, ubi BASILIUS Moscorum princeps satellitibus suis novum oppidulum Nali (quod eorum linguâ infunde significat) condidit, eò quòd cum alijs medonem cerevisiamque bibere, exceptis paucis diebus in anno, prohibitum sit, ijs solis bibendi potestas à Principe permissa sit: atque ob eam rem, ne cæteri illorum convictu corrumperebantur, à reliquorum consuetudine sunt sejuncti. Propter urbem sunt quædam monasteria, quæ vel sola longè prospicientibus una quædam civitas esse videntur. Porro vasta civitatis magnitudo facit, ut nullo certo contineatur termino, nec muro, fossâ, propugnaculisve commode muniri queat. Plateæ tamen quibusdam in locis, trabibus transversim ductis, obstruuntur, adhibitisque custodibus ad primam noctis facem ita obfirmantur, ut nemini noctu aditus post statam horam illac pateat; postquam qui deprehensi fortè fuerint à custodibus, aut verberantur spolianturque, aut in carcerem compinguntur, nisi vel noti honestique viri fuerint (nam hi à custodibus ad sua deduci solent). Atque tates custodiæ, quâlibet in civitatem patet aditus, locari solent; reliquam enim urbis partem Mosqua fluvius circuit, in quem sub ipsa urbe lausa illabitur, qui ob altas ripas rarò vadari potest. In hoc molendina

complura in publicum civitatis usum fabricata sunt; hisq; fluviis civitas non nihil munita esse videtur, quæ præter paucas ædes lapideas, templa, atq; monasteria, prorsus lignea est. Aediū ea in urbe numerus vix credibilis refertur. Civitas hæc tam ampla atq; vasta, admodum lutosa est, quā ob rem in vicis ac plateis, alijsq; celebrioribus locis, pontes passim extructi sunt. Est in ea castrū, ex lateribus coctilibus coagmentatū, quod ab una parte Mosqua, ab altera Neglina flumine alluitur. Castrū autē tantæ magnitudinis est, ut præter amplas ac magnificè exædificatas ex lapide Principis ædes, Metropolitanus Episcopus, Principis item fratres, procures, alijque quamplurimi spaciosas in eo ædes ligneas habeant. Ecclesiæ ad hæc in eo multæ, ut amplitudine sua civitatis propemodum formā repræsentare videantur. Hoc roboribus tantum initio circumdabatur, atq; ad magni Ducis Ioannis tempora usq; parvum ac ignobile erat. Eius castrī propugnacula, basilicæ, cum principis palatio more Italico erecta sunt. Multæ autem in hoc sunt ecclesiæ, ligneæ fermè omnes, duabus tamen insignioribus, quæ ex lateribus constant, exceptis: quarum altera divæ Virgini, altera divo Michaëli Archangelo est sacra. Regionis cœlum adeo salubre est, ut ibi ultra Tanais fontes, præsertim

Mosco-
via cœli
quale,

tim in Septentrionem, atque etiam magna ex parte Orientem versus, memoriā hominum nulla unquam pestis sævierit. Habent tamen interdum intestinorum & capitis morbum quendam, pesti haud dissimilem, quem ipsi calorem vocant, eo qui corripuntur, paucis diebus pereunt. Ac cum in tam salubri regione degant, si quando Novogrodi, Smolensci, ac Plescoviæ pestis grassatur, quoslibet illinc venientes regione suā metu contagii excludunt. Incolæ huius Provinciæ omnibus astutiores & fallaciores esse perhibentur, fluxa imprimis in contractibus fide, cuius rei ipsi haud ignari, si quando cum externis commerciis habent, quò majorem fidem obtineant, non Moscos se, sed advenas esse simulant. Longissimus hîc dies in solstitio æstivo septendecim horarum cum tribus quadrantibus esse fertur. Certa poli elevatio sciri non potest, quamvis nonnulli quinquaginta octo graduum se accepisse dicant. Quidam facto per astrolabium periculo, utcunque solem nono Iunij die in meridiem observatum quinquaginta octo graduū referūt. Ex qua observatione computatione hominum harum rerum peritorum, deprehensum est, altitudinem poli quinquaginta graduum esse; longissimum autem diem septendecim horarum & unius quadrantis,

Orienti

Vulodi-
miriensis
Ducatus

Orienti obvertitur VULODIMIRIENSIS Ducatus, cujus ager adeo est frugifer, ut ex uno tritici modio sæpè viginti, nonnunquam triginta modij proveniant. Eam Clesma fluvius præterfluit, cætera sylvæ magnæ vastæque tingunt. CIVITAS ipsa magna, sed quæ castrum ligneum sibi conjunctum habet. Hæc à tempore VULODIMIRI (post Basilij dicti) qui eam condidit, nomenque suum indidit, Rusiæ metropolis fuit usque ad Ioannem, qui inde sedem in Moscoviam transtulit. Sita est inter Volgam & Occam, triginta sex à Moscovia in Orientem miliaribus. A Vlodimiria viginti quatuor miliarum recta in Orientem in vastis sylvis Ducatus olim fuit, cujus populi Muromani vocabantur, animalium pellibus, melle, & piscibus abundantes.

Novo-
grodi in-
ferioris
Ducatus

Novo-
grodi in-
ferioris
Ducatus

A Vlodimiria in orientem ulterius procedendo, NOVOGRODIÆ inferioris Ducatus incurrit, qui Vlodimiria fertilitate rerumque copiâ æquat. In hoc Ducatu est civitas ampla ac lignea NOVOGRODIA sive Novogardia dicta, à qua & regio ipsa nomen accepit, emporio longè nobilissima, cui ob lini ac canabis optimi abundantiam inter reliquas Moscoviæ urbes faciliè datur palma. Sita autem est ad Volgæ & Occæ fluviorum confluxum. Castrum huic civitati adhæret, quod BASILIUS Princeps ex lapide

lapide in scopulo posuit, contra Czeremissorum impressiones. Distat autem à Moscovia centum miliaribus, & facit Christianæ religionis terminum. Nam licet Moscorum Princeps ultra Novogardiam hanc castrum, quod Sura à fluvio ejusdem nominis indigitatur, habeat; tamen intermixtæ sunt gentes Czeremissi & Mordvvi, qui Mahometanam superstitionem amplectuntur.

A Novogrodia inferiori ad occidentem non nihil reflectendo REZANENSIS Ducatus inter Occam & Tanaim fluvios situs est. Hæc cæterarum omnium est fertilissima provincia, in qua, ut fertur, singula grana frumenti binas quandoque pluresve spicas proferunt, quarum culmi tam densè succrescunt, ut nec equi facile transire, nec coturnices inde evolare possint. Mellis, piscium, avium, ferarumque ibi magnus proventus, arborum etiam fructus longè Moscoviæ fructibus nobiliores. Gens animosa atque bellicosa. In hoc Ducatu est homonyma civitas lignea juxta ripam Occæ. Erat in ea castrum, quod IAROSLAVUM vocabatur, cujus nunc præter vestigia nil extat. Prope oppidum hoc Occa fluvius insulam efficit, quæ STRUP dicitur, ingens olim Ducatus, cujus princeps nemini subiectus erat, qui jam funditus extinctus est. TULLA oppidum quadraginta fere
D millia

Rheza-
nen: Du-
catus.

Rhezan-
civitas.

milliaribus à Rezano, à Moscovia verò in meridiem triginta sex miliaribus distat: estque ultimum oppidum ad campestra deserta, in quo BASILIUS castrum ex lapidibus construxit, quod fluvius ejusdem nominis præterlabitur. Uppa verò alius fluvius ab Ortu castrum alluit, Tullæque fluvio junctus, Occam supra Vorotinum viginti ferè miliaribus influit, à cuius ostiis non ita procul O D O I O V V castrum est positum: A castro Odojoyv nonnihil in meridiem reflectendo, M S C Z E N E K locus palustris est, in quo etiamnum vestigia exiunt. Circa hunc locum adhuc quidam habitant, qui necessitate imminente in paludes illas seu castrum refugiunt. C O R S Y R A in ripa Occæ fluminis oppidum est ligneum, à Rezano viginti octo miliaribus distans. Habebat aliquando sui juris dominum, sed nunc in ditionem Moscorum Principis redactum est. C O L U G A oppidum & castrum ligneum ad Occam fluvium, triginta sex miliaribus à Moscovia abest. Conficiuntur ibi affabrè cælata pocula lignea, aliæque ex ligno res ad cultum domesticum pertinentes, quæ inde in Moscoviam, Litvaniam, aliasque conterminas regiones passim deferuntur. Solet eo in loco Princeps quotannis præsidia sua contra Tartarorum incursiones habere.

V O R O T I N E N S I S Ducatus cum civitate

Corsyra
opp.

Coluga
opp.

rate & castro cognomini, ad Occam flumen sito, tribus supra Colugam miliaribus abest. Vorotin? Ducatus.

A Moscovia in meridiem dextrorsum si iter faciendum sit, S E V E R I E N S I S Ducatus se ostendit, qui à Borysthene ad Mscenecum oppidum longè latèque extenditur, ac densissimis ferarum silvis clarus est. Ager quatenus colitur, ferax est: silvæ hermillis, aspreolis, martibus, & melle plurimum abundant. Gens propter assidua cū Tartaris bella acris & strenua. Erant autem Duces Severienses primùm juris Polonici, sed postea magnis Lithvaniæ Ducibus permultos annos parebant. Tandem à C A S I M I R O Poloniæ Rege, magnoque Duce Litvaniæ, ad I O A N N E M Moscorum Principem ultro defecerunt, non magnâ re offensi, nempe quòd cū Vilnam venissent ad Regem, quodâ tempore intromissi nō sint. Cūmq; unus ex illis importuniùs urgeret, ac digitum foribus paulùm adaperitis inseruisset janitor eundem attractis vehementiùs foribus prescit, & confregit. Ac luit quidem capite poenam janitor, non tamen eo Principum ira fatiata fuit: quin ij rectà ad Moscum profecti, ei se suaq; omnia subjecerunt. Verùm tandem, prout aliis multis Moscorum Duci subjectis contigit, perfidiæ incenter accusati, à B A S I L I O tyranno principatu exuti sunt. Castra oppidaq; in eo sunt non pauca,

Severien.
Ducatus.

Novo-
rodecū
Severi-
ense.

inter quæ Novogrodecum Severiense dictum, Starodubum, Potivolum, Czernihovum, & Branscum celebriora sunt. NOVOGRODECUM oppidum & arx lignea, in qua olim Ducū Severiensium sedes erat, distat à Potivolo octodecim, à Starodubo verò quatuordecim miliaribus. Ad hoc oppidum à Moscovia dextrorsum meridiem versùs per Colugam, Vorotiniam, Serenscum, & Branscum centum quinquaginta miliaribus pervenitur. Czernihovum triginta à Kiovia miliaribus, totidem à Potivulo abest. Starodubum à Potivulo triginta duobus: Potivolum verò à Moscovia centum quadraginta, Kioviâ sexaginta, Bransco triginta octo miliaribus distat. Euntibus Potivolo in Tauricam per solitudinem, fluvij Sia, Samara, & Ariel occurrunt, ex quibus posteriores duo latiores profundioresque sunt: in quibus trajiciendis dum viatores diutius nonnunquam detinentur, à Tartaris sæpe circumveniuntur capiunturque. Post hos Koinskavoda, & Moloscha fluvij se ostendunt, quos novo quodam trajectionis genere superant: relectas arbusculas in fasces colligant, quibus se suaque imponunt, atque ita remigantes secundo fluvio in alterum littus deferuntur. Alij hujusmodi fasces caudis equorum alligant, qui flagris impulsī, natantes in alte-

rum

rius littus, homines secum trahunt, transferuntque. Sequitur S M O L E N S C E N S I S Ducatus urbe ingenti insignis, ad Borysthenem fluvium exædificatâ. Arcem muro cinctam in ulteriori fluminis ripa habet, in qua plurima ædificia lignea in civitatis formam extructa sunt. Hanc una ex parte Borysthenes munit, ex altera verò fossis profundis, stipitibusque acutis munitur: in medio autem arcis templum divæ Virginis in scopulo locatum est. Hanc urbem & arcem B A S I L I U S Moscorum princeps sæpius, & quidem graviter oppugnabat, sed non vercante belli fortunâ nil efficere potuit, donec Michael Glinicius Dux Russus ad prædictum Basilium, interfecto per insidias Ioanne Zabrezinio, magno Lithvaniæ Mareschalco, rerum tum potiente SIGIS- M U N D O I. profugit, & arcem S M O L E N S C U M denuò ingentibus cum copiis Moscorum acerrimè obsedit. Cùm verò nec obstinatâ oppugnatione, nec terribili tormentorum apparatu ac victricquam profecisset, ad dolos & machinas argentearum confugit, præsidioque largitionibus corrupto, haud magno labore S M O L E N S C O potitus est, centesimo, postquam à V I T O L D O magno Lithvaniæ Duce Lithvaniæ adjecta fuisset, anno. Quæ recens di-

Smolen-
scen Du-
catu.

D 3

vino

Smolen-
scum ci-
uitas.

vino favente numine & auspiciis SIGISMUNDI III Regis victoriosissimi vix per sesquianni spacium obsidione cincta, tandem in potestatem regiam venit. Quam fortunam ut Deus perpetuare sinat, optandum merito. CIVITAS ipsa in valle sita, colibus undique & silvis spissis, quibus pellium diversarum multitudo provenit, circumvallatur. Distat autem SMOLENSCUM à Moscovia octoginta miliaribus, quamvis communiter centum computentur. Hunc principatū sub BASILIO Moscorū principe VI-TOLDUS magnus Litvaniae Dux Moscis anno supra millesimū quadringentesimū decimo tertio ademerat. Eundem BASILIUS anno millesimo quingentesimo decimo tertio SIGISMUNDO I Poloniae Regi eripuit. Sunt & alia hujus Ducatus oppida & castra, videlicet Drohobus & VViesma, oppida lignea ad Borysthenē posita, quorum illud à Moscovia septuaginta duobus, à Smolensco octodecim miliaribus: hoc verò à Moscovia quadraginta, à Mosaisco viginti sex, à Drohobus octodecim miliaribus abest. MOSAISCUM quoque oppidum & castrum ligneum, circa quod magna diversicolorū leporū copia est, soletque ibi Princeps quotannis venationes instituere suas, ac Principum diversorum oratores audire. Distat autem à Moscovia meridem versùs octodecim milia-

Mosai-
scum op.

miliarium intervallo, à Viesma verò viginti sex. BIELÆ SIVE BILLOIÆ Ducatus tantae amplitudinis non est, ut longā opus sit commemoratio-
tione. Habebat quondā proprii juris Principē, qui Litvaniae Principibus tributarius erat. In hoc Principatu BIELA civitas cū castro Obsehae fluvio vicina est, in vastis silvis. Itaque à Moscovia sexaginta, à Smolensco verò triginta sex miliaribus abest.

Bielæ Du-
catus.

RSOVIÆ Ducatum Volga fluvius celebrem facit, in quo civitas & arx lignea ejusdē nominis Volga ripis proxima conspiciuntur. Distat autem à Moscovia Occidentem versùs viginti tribus miliaribus. Ultra hanc civitatem aliquot miliaria Occidentē versùs procedendo, silva est Wolkovvksies dicta, in qua palus Vronovv, ex qua fluvius quidam emergit, duobus miliaribus emensis, in lacum Volgo influens, unde rursus aquarum multitudine adauctus egreditur, Volgaq; à lacu, ex quo ortum habet, indigitatur. Oppida Ducatus hujus sunt VOLOCZ civitas & castrum, ad Occidentē æquinoctiale viginti quatuor miliaribus à Moscovia sese protendentia, à Mosaisco duodecim ferè, à Tvera viginti. Hic Princeps Moscoviae quotannis consuevit animū, falconibus lepores insectando, relaxare. WIELIKOLUKI castrum & oppidum in occidentem, à Moscovia centum quadraginta, à Novogorae

Rsoviæ
Ducatus

Volo-
cz
op. &
castrum.

Novogardia magna sexaginta ferè, Polocia verò triginta lex miliaribus distat: ab amplitudine ac frequentia urbis circumjacentis regionis totius amœnitate nomen induit, estque ab utraque fluminis ripa arcu latissimè circumjectum, quàmvis mœnibus ac turribus ligneis, fossis etiam satis amplis munitum. Arcem hanc sanè munitissimam divus STEPHANUS Rex in bello Moscovitico feliciter oppugnavit & expugnavit. TOROPECZIA castrum cum civitate inter Vuelicolucum ac Smolenscum ad confinia Litvaniae, à Vielicoluco octodecim ferè miliaribus abest.

Toropeczia
op. &
castrum,

Hæc arx cum cæteris sibi adjacentibus, videlicet, Drohobus, Biela, Bransco bona cum Severiensis Ducatus parte uno eodemque tempore per deditionem in Moscorum Principis IOANNIS BASILII potestatem devenerunt, regnante tum Alexandro Poloniae Rege, magnoque Litvaniae Duce.

Tuerensis
Ducatus,

TVUERENSIS Ducatus ampla olim ditio, una ex magnis Rusiæ principatibus, ad Volgam fluvium, triginta sex miliaribus in occidentem æstivalem à Moscovia distans, habet oppidum ingens, quod Volga interfuit. In altera autem ripa, quæ Tuerza Moscoviam spectat, castrum habet, ex cuius opposito Tuerza fluvius Volgam influit. Porro CIVITAS hæc sedes erat Episcopalis, vivente IOANNE Mos-

corum

corum Principe Basilij patre, quo tempore Tverensem principatum magnus Dux BORIS tenebat. Cuius postea filiam Mariam JOANNES Moscoviae Princeps uxorem duxerat, ex eaque Ioannem primogenitum susceperat. Borisso autem mortuo MICHAEL filius successit, qui postea à sororio suo Moscorum Principe Ioanne ejectus, exul in Lithvania vitâ defunctus est. Hæc civitas monetam argenteam habet propriam, quæ valore Moscoviticæ æquatur. TERSACK oppidum decem miliaribus à Tveria, ejus pars dimidia Novogardiae, altera Tverensi dominio suberat.

NOVOGARDIAE magnæ Ducatus olim celeberrimus ex totius Rusiæ Ducatibus erat. Cujus imperium URICUS Varajus sorte sibi oblatum imprimis administrabat, & tandem post eum successores ejus latissimè ad Græciam usque imperium suum extendebant. Est autem civitas famigerata, quam Volchovv fluvius percurrit, qui ex Ilmen lacu vix medio milliari supra civitatem emergens, in lacum Neoa, quem nunc Ladoga ab oppido ei adjacente appellant, illabitur. NOVOGARDIA porro in Occidentem æstivalem à Moscovia centum viginti miliaribus distat: à Plefcovia triginta sex, à Vielicoluco quadraginta, ab Ivvanovgorodo totidem. Cæ-

Novo-
gardiae
magnæ
Ducatus.

Novo-
gardia
Civitas.

E rerum

terùm urbs hæc olim, dum floreret, sui que juris esset, latissimam ditionem in quinque partes distributam habebat, quarum quælibet non solum de publicis ac privatis rebus cognoscendis ad ordinarium ac competentem suæ partis magistratum referebat, verùm in sua duntaxat civitatis regione contrahere res quascunq; que, ac commodè cùm aliis civibus suis conficere poterat: nec licebat cuiquam ad aliquam aliam ejusdem civitatis magistratum quacunq; in re provocare. Quo tempore ibidem Russiæ, imò Septentrionis totius maximū erat emporium: ingens enim mercatorū turba undiq; ex Litvania, Polonia, Svecia, Dania, ipsaq; Germania eò cōfluebat, civesq; ex tam frequenti multarū gentium concursu opes suas augebant. Imperiū ejus magna ex parte in Orientē atq; Septentrionē extenditur, Livoniam, Finlandiam, atq; Norvegiā ferè contingebant. Habuit etiam Novogardia Principatus, ad Orientem, Dvvinam & Volochdam: ad meridiem verò dimidiam partem Tersack oppidi, nō longè à Tuera. Ac quamvis hæ provincie, quod fluvius ac paludibus oppleantur, steriles sint, commodèq; habitari nō possint: nihilominus ex ferarū pellibus, melle, cerâ, ac piscium copiâ magnum faciunt quæstū. Principes porro, qui ipsorum Reipublicæ præessent, suo arbitrio ac voluntate constituebant, imperiumq; augebant, vicinas

nas gentes quavis sibi ratione devinciendo, ac stipendio, tanquam juramento quodā proposito, in sui defensionem obstringendo. Ex ejusmodi gentium, quarum operâ Novogrodenſes in conservanda Republica sua utebantur, societate factum est, ut Mosci suos se ibi præfules habere gloriarentur, Litvaniq; vicissim eos sibi tributarios assererent. Hunc principatum, dum Archiepiscopus consilio & autoritate sua administraret, IOANNES Moscoviæ Princeps invaserat, septem integros annos gravi eos bello premēs. Tandē anno Christi millesimo quadringentesimo septuagesimo septimo ad fluvium Scholona conflictu Novogrodenſi superans, certis quibusdā conditionibus ad deditionem eos cōpulit, præfectumq; suo nomine ibi imposuit. Cū verò absolutum in hosce imperium nondum se habere putaret, neque sine armis id se assequi posse cerneret, sub religionis prætextu, ac si à Russico ritu deficere volentes, in fide contineret, Novogardiam venit, eamque hac simulatione occupavit, inque servitutem redegit. Archiepiscopum, cives, mercatores externos bonis omnibus spoliavit, trecentosque currus inde auro, argento, gemmisque onustos Moscoviam abduxit. In hac urbe erat olim idolum quoddam nomine PERUN, eo loci, quo nunc est monasterium, Perunski monaster, ab idolo eodem nuncupatum.

Hoc à Novogrodenſibus præcipuè cultu latriæ adora-
batur. Habebat autem formam hominis, lapidem
ignitum manu tenentis, fulmini ſimilem. Per un-
um Ruſſis & Polonis fulmen ſignificat. In hujus lau-
dem à honorem ignis ex quercubus, qui perpetuò die
noctæque arderet, conſtruebatur. Quod ſi negligen-
tiâ miniſtrorum, ad hoc officium obeundum designa-
torum, ignem extingui contingeret, capitis poenâ ple-
tebantur. Habet Novogardia in ſolſticio æſtivali
longiſſimum diem octodecim horarum, & ultra. Re-
gio multò frigidior ipſa Moſcoviâ. RUSS antiquum
Rus op. oppidulum eſt ſub ditione Novogardiæ, à qua duo-
decim miliaribus abeſt. Habet ſalſum fluvium,
quem ampla foſſâ in lacus modum cives coercent, in-
deque aquam per canales pro ſe quiſque in ædes ſuas
derivant, & ſal coquunt. IVVANOVGORODVM
Ivanov- gorod- caſtrum. caſtrum JOANNE S Moſcoviæ Princeps, à quo
etiam nomen acquiſivit, apud ripam Nervæ fluvij la-
pide exædificavit, diſtat à Novogardia magna qua-
draginta, à Pleſcovia totidem miliaribus. Juxta hanc
Narva op. arcem eſt civitas lignea Narva, à fluvio denominata,
ubi Novogrodenſes & Pleſcovienſes merces ſuas de-
ponere conſueverunt. Eſt ibi quoque ex adverſo in alte-
ra ripa Livonum caſtrum & civitas, ab eodem fluvio
Narva vocata, atque hæc duo caſtra Narva fluvius in-
terflu-

terfluens, Moſcoviæ olim imperium à Livonia diſter-
minabat. JAMMA caſtrum duodecim ab Ivanov-
gorodo & Narva miliaribus ſitum eſt, ad Plusæ flu-
vij oſtiū Septentrionem verſus. Deinde ſpacio quatuor
miliarium à Jamma caſtrum & civitas Coporogia
dicta ad fluvium homonymum occurrit. Hinc ad Se-
ptentrionem viginti quinque miliaribus per Oreſſek
& Coreſam oppida ad fluvium Polna pervenitur, qui
Moſcoviam à Finlandia Svecorum Regi ſubjecta di-
ſcriminat.

PLESCOVIA Principatus ampliſſima o-
lim & ſui juris ditio, à JOANNE Moſcorum
Principe anno ſupra milieſimum quingentefimum
nono occupatus eſt. In eo eſt urbs, quondam florens
ac potens, variarumque gentium commercio nobilis.
Sola in toto Moſci imperio muris circumdata, inque
quatuor partes, quarum ſingulæ mœnibus ſuis inclu-
duntur, diviſa. Ruſſis Pskovv dicitur, alluiturque
ad Septentrionem Pskovvâ fluvio, unde urbi nomen
eſt. Ea à ſuis aliquando Principibus dominata, ſa-
cerdotum prodicione in BASILII poteſtatem ve-
nit, qui ſtatim everſa Republicâ veros cives per vim
ejecit, eosque vinculis conſtrictos in Moſcoviam rele-
gavit, ſubſtitutis in eorum locum Moſcis, quos fide-
liores futuros arbitrabatur. Hanc urbem poſt STE-

Plesco-
via urbs. PHANI Regis Poloniae expeditio clariore fecit. Distat autem Plescovia in Occidentem triginta sex miliaribus à Novogardia, ab Ivanovgorodo quadraginta, totidè à Vielicoluco. Facilis ex Plescovia in mare Balticum esset navigatio, sed scopuli quidam non longè ab Ivanovgorodo & Nerva castris Livoniae finibus obstaculo sunt, ubi à duobus miliaribus emensis Nerva fluvius pluribus fluvijshautis in mare exoneratur.

Bialoie-
zioren-
Ducatus. BIALOIEZERENSIS Ducatus est regio ampla, in Septentrionem ad ingentè ejusdem nominis lacum sita: à quo & regio ipsa, & civitas cù castro nomen traxit. Sonat autè Russis idem, quod lacus albus. Porro civitas paludibus ita undiquaq; circūsepta est, ut inexpugnabilis esse videatur. Quare Moscorum Principes ducti, thesauros ibi condere sueverunt. Abest autè BIALOIEZIORO in Septentrionè centū miliaribus à Moscovia, totidemq; à Novogardia magna. Regio penè tota paludosa, silvosaq; est, ideoq; viatoribus difficilem præbet transitū, agrèque ad eam, nisi stratis pontibus, concretisq; glacie aquis, pervenitur. Lacus ipse duodecim miliarib. in lōgitudinē, totidè in latitudinē patet, in quē trecenti (ut fertur) & sexaginta fluvij exonerantur. Hujus loci indigenæ proprium habent idioma, quamvis nunc ferè omnes Russicè loquantur. Longissimū hi diem in solstitio æstivali habere dicuntur

tur

tur decem & novem horarum. Et quanquam ibi longior hyems sit, fruges tamè eo, quo in Moscovia, tempore & maturescunt, & colliguntur. A lacu hoc intrateli jactū est alius lacus sulphur proferens, quod fluvius quidam ex eo manans, ceu spumas supernatantes affatim secum defert. VGLICZ civitas cum castro ad Volga littus sita, distat à Moscovia viginti quatuor, à Iarovslavia triginta, à Tvera quadraginta miliaribus. Caeterum hæc prædicta castra sunt in meridionali Volga ripa, civitas verò ex utraque parte. CHLOPIGOROD locus, in quē Novogrodiensium servi confugerunt, de quibus sic annales Russorum. Accidit, dum Novogrodienses, Consulum Græciæ, civitatem ad septennium obsidione gravi premerent, uxores interim eorum moræ pertæsa, tum etiam de salute & adventu maritorum dubitantes, servis nubarent. Expugnata tandè civitate, cū victores mariti ex bello reversi áreas portas urbis devictæ, ac magnam quandam campanam secum attulissent, servi que heros, quorum uxores duxerant, vi repellere conarentur: heri indignitate rei moti, depositis armis, lora & fustes tanquam in mancipia arriperent. Quibus servi territi, inque fugam conversi, loco quodā, qui etiam nū Chlopigorod, hoc est, servorum castrum dicitur, se reciperent, defenderentque: verum ab heris victi, supplicij affecti sunt meritis.

Eo loci

Vgliez
op. &
castrum.Chlopi-
gorod
castrum.

Eò loci nundinæ in toto Mosci imperio sunt frequentissima. Etenim præter Svecos, Livones, atque Moscos, Tartari, aliæque quàm plurimæ gentes ex Orientalibus Septentrionalibusque partibus confluunt, quæ rerum tantum permutatione utuntur. Rarus enim ac ferme nullus apud has gentes est auri argentive usus. Vestes factas, acus, cultellos, cochlearia, secures, aliasque ejusmodi plura pellibus permutant.

Pereaslavia.

PEREASLAVIA civitas & castrum, à Septentrione aliquantum vergens in Orientem, viginti quatuor à Moscovia abest miliaribus. Sita autem est ad lacum, in quo, ut in insula Solovki, Selgi pisciculi capiuntur. Ager satis fertilis est, in quo perceptis frugibus Princeps venatione tempus fallere solet. Est in eodem agro lacus, ex quo sal decoquitur. Per hanc civitatem proficiscuntur, quibus Novogardiam inferiorem, Castromam, Jaroslaviam, & Vgliczam eundum est. In his partibus vera itinerum ratio propter crebras paludes & silvas haberi non potest.

Rostovien: Ducatus.

ROSTOVIAE Ducatus inter præcipuos & antiquiores Rusiæ principatus post Novogardiam magnam olim habebatur, ac secundò genitis magnorum Ducum Moscoviæ attributus erat, quorum posteriper Ioannem Moscorum Principem eo exuti sunt. Eò ex Moscovia rectà per Pereaslaviam itur, à qua de-

cem

cem abest miliaribus. In hoc Ducatu est civitas & arx lignea ejusdem nominis, in qua Archiepiscopus suam habet sedem. Sita est ad lacum, ex quo Cotorea^{Rostovia op.} fluvius, qui Jaroslaviam præterlabitur, emergit, Volgamque influit. Soli natura foecunda est, piscibus in primis ac sale dives.

IEROSLAVIENSIS Ducatus regio maxime ferax, eà præsertim parte, quæ ad Volgam vergit, Inest ei insignis civitas homonyma cum castro ad Volgæ ripam, à Rostovia duodecim distans miliaribus, rectà itinere ex Moscovia sumpto. Paruit ea per annos multos Ducibus suis, quos JOANNES^{Ieroslavia civitas.} Moscorum tyrannus, simili erga Rostovienfes perfidia usus, vi oppressit. Celebratur propter coria, sebum, ac fruges, quibus plurimum abundat, quas tantà copiam Moscoviam convehunt, ut aliquando antemeridiano tempore videas septingentas vel octingentas trahas, ultro citroque commeantes, fruges vel fassamenta vehentes.

SUSDALIENSIS Ducatus cum cognominis castro ac civitate, in qua sedes Episcopalis est, Rostoviæ ac Volodimiræ adjacet, inter præcipuos olim Rusiæ Ducatus referebatur, ac reliquarum adjacentium civitatum metropolis erat. Crescente

F

post

pòst imperio Moscovitico, sede Moscoviam translata,
Principum secundò genitus est attributus: quorum
posterì tandem per Ioannem tyrannum eo exuti sunt:
Est hìc insigne Vestalium monasterium, in quod Sa-
lomea Basilii magni Ducis conjunx, ab ipso repudia-
ta, inclusa erat. Inter omnes Moscoviæ Principatus
soli ubertate, rerumque omnium copià Rezan primas
sibi vendicat: secundum hanc sunt Jeroslavia, Rosto-
via, Pereaslavia, Susdalia, Volodimiria, quæ fertilita-
te terræ proximè accedunt. CASTROMOVV

Castro-
movvgo-
rod op.

G O R O D: civitas cum castro, in Volgæ littore ad O-
rientem æstivalem viginti ferè à Jeroslavia abest milia-
ribus, à Novogardia inferiori quadraginta circiter.
Fluvius, à quo civitas nomen elicit, ibidem Volgam
influit.

Galicz
Ducatus

GALICZIE NSIS Principatus cum civi-
tate & castro homonymo, ex Moscovia in Orientem
per Castromovvgorod euntibus occurrit. Hìc propter
immensas paludes, ac silvas magnas vera itinerum ra-
tio observari non potest.

CAPUT IV.

De provinciis & regionibus Moscovia.

Dvina
provin-
cia.

DVINA provincia in ipso Septentrione sita, cui
Dvina fluvius ex Jugæ & Sucanæ amnibus ortus
nomen

nomen indidit, extenditur ad centum miliaria, sed mu-
nitionibus vacua est. Hæc provincia præter Colmo-
goram castrum, & Dvvinam civitatem, castrum item Pie-
nega in ipsis Dvvinæ ostijs positum, oppidis castris
que caret. Pagos tamen complures habere fertur, qui
propter terræ sterilitatem longè latèque distant. In-
colæ victum ex piscibus, feris, ferarumque pellibus quæ-
runt, quibus omnis generis abundant, his pro pane cõ-
tenti. In maritimis hujus regionis locis urfos albos,
eosque majorem pro parte in mari degentes reperiri ajunt:
quorum pelles Principi instar tributum incolæ offerunt.

C O R E L A provincia proprium idioma ha-
bet, sexaginta ferè & amplius miliaribus à Novogro-
do in Septentrionem distans. Ea quamvis à finitimis
quibusdam gentibus tributum exigit, nihilominus &
ipla Sveciæ Regi, & Mosco ratione dominij Novo-
grodensis tributaria est.

Corela
provin-
cia.

S O L O V V K I insula in Septentrionem inter
Dvvinam & Corelam à continenti octo miliaribus in
mari visitur, quæ quantum à Moscovia distet, propter
densas paludes, silvas, & vastas solitudines certa inter-
valli ratio non habetur. Sal in ea insula copiosius deco-
quitur. Est ibidè monasterium, in quod mulierè aut vir-
ginè ingredi grande piaculum est. Hìc etiam est piscatio
piscium

Solovvki
insula.

piscium Selgorum copiosa, qui halecibus non ab-
similes sunt. Solem in hoc loco æstivali solstitio per-
petuò, duabus tantum horis exceptis, splendere ajunt.

Vocza
regio.

VOCZKA regio inter Occidentem ac Se-
ptentrionem sita, viginti sex aut ad summum triginta
à Novogrodo miliaribus abest, in que sinistrâ castrum
Jvanovgorodum relinquit. Hac in regione hoc
prodigij loco refertur, animalia, cujuscunq; generis in
eam inducta fuerint, colorẽ suum in albedinẽ mutare.

Vstiuga
provin-
cia.

A DVVINA ex Septentrione in meridiem pro-
grediendo, VSTIUGA provincia à civitate & ca-
stro, quæ ad Suchanã fluvium sita sunt, nomen nacta
occurrit. A Volochda centum miliaribus, à Bieleie-
ziero centum quadraginta abest. Hæc prius ad ostia
fluvij Jug, qui ex meridie in Septentrionem fluit, sita
erat, post propter loci commoditatem ad dimidium
ferme miliare supra ostia posita est, vetusque nomen
adhuc retinet: nam Russis Vsteie ostium est, unde
Vstiug, quasi ostium Jug dicitur. Hæc provincia
olim subjecta erat Novogardiæ magnæ. Est autem
hîc rarus & propemodum nullus panis usus, incolæ ex
piscibus ac feris victum quæritant. Sal ex Dvvina ad-
vehitur. Idioma proprium, quamvis Russico magis
utantur, habent. Zobellinæ pelles ibi nec multæ, nec
excellen-

excellentes: aliarum tamen ferarum pellibus abun-
dant, vulpinis præsertim nigris.

VOLCHDA provincia Orientem inter
& Septentrionem, habet civitatem ejusdem nominis <sup>Voloch-
da pro-
vincia,</sup>
& castrum naturâ loci munitum, in quo Moscorum
Princeps thesauri sui partem necessitatis tempore con-
dit. Abest à Jeroslavia quinquaginta miliaribus, à
Bieleieziero ferè quadraginta. Regio tota paludibus
silvisque obsita: unde fit, ut exacta itineris ratio ob-
frequentes paludes ac fluviorum anfractus hoc quo-
que in loco observari nequeat. Porro Volochda flu-
vius in Septentrionem civitatem præterfluit, cui Su-
chana ex lacu, cui Koinski nomen, emergens, octo
miliaribus infra civitatem jungitur, nomenque Su-
chanæ retinet, atque inter Septentrionem & Orientem
labitur, olim Novogardiæ magnæ ditioni suberat.

VIAIKA provincia ultra Kamam flumen <sup>Viatka
provin-
cia,</sup>
in Orientem æstivalem centum quinquaginta ferè
à Moscovia, ab Vstiuga centum viginti, à Casano sex-
aginta miliaribus abest. Regioni fluvius cognomi-
nis nomen dedit, in cujus littore sunt Chlinova, Orla,
& Slovoda. Regio palustris est, aquis irrigua, & steri-
lis, servorum fugitivorum velut asylum quoddam,
melle, feris, piscibus, aspreolisque affluens. Hæc o-
lim Tartaricæ ditionis erat, adeo, ut adhuc hodie ultra

citraque Viatkam, maximè in ostijs, quibus Kamam fluvius ingreditur, Tartari imperent.

Permia
provin-
cia.

PERMIA ampla magnaue provincia à Moscovia centum quinquaginta miliaribus, rectâ inter Orientem ac Septentrionem distat. Civitatem ejusdè nominis ad Viscoram fluvium habet, qui decem infra Camam miliaribus influit. Eò propter crebras paludes & fluvios terrestri itinere vix nisi hieme pervenitur: æstate verò per Volochdam, Vstugam, Viczechdamq; fluvium, qui duodecim ab Vstuga miliaribus Dvvinam influit, navigijs iter hoc faciliùs conficitur. Incolæ regionis pro pane ferarû carnibus vescuntur, & loco tributique equos pellesq; quotannis Principi pendunt. Idiomata à Rusfico diversum habent: characteres item proprios, quos Stephanus Episcopus, qui eos in fide Christiana vacillantes confirmarat, primus adinvenit. Superfunt adhuc ex ijs in silvis pasim plures idololatæ, quos monachi eò proficiscentes non cessant ab errore, vanoque cultu revocare. Hyeme peregrè profecturi, soleas sive calceos ligneos oblongos, sex ferme palmorum longitudine (qui Artach sive Nartæ vocantur) pedibus induunt, & baculo oblongo vel hastâ suffulti, rapidissimo cursu per invia nivesque feruntur. Canibus, quos hunc in usum magnos habent,

habent, pro jumentis utuntur, quibus sarcinas vehiculis circumvehunt. Ajunt eam provinciam Orientem versùs Tartarorum provinciæ, quæ Tumen dicitur, esse conterminam.

SIBIOR provincia Permiam & Viatkam ^{sibior} contingit. quæ castris & civitatibus caret. In hac oritur ^{provin-} laick fluvius, qui Tartarorum campestribus præterlapsus in mare Caspium exoneratur. Regio tota ferè palustris & silvestris est, & propter Tartarorum viciniam magna ex parte deserta. Incolæ ejus proprio idiomate utuntur, panis usum nesciunt, serinâ interim carne vitantes. Mercimonia maximè ex aspreolorum pellibus, quæ aliarum provinciarum aspreolis magnitudine ac pulchritudine excellunt, exercent, easque tributum instar Moscorum Principi pendunt.

JUHARIA sive Juhra ad Oceanum Septentrionalem sita est, ex qua olim Vngari, cum longo tempore ad Maxotidis paludes confedissent, loci sterilitate, ut credibile est, offensi, ad Danubij ripas commigrarunt, occupatq; Pannoniâ eam de suo nomine Juhariam primùm, & post literis paululum immutatis Vngariam appellarunt. Quo nomine Mosci gloriantur, quod eorum subditi magnam Europæ partem olim sint depopulati. Ajunt:

Ajunt Juharos in hunc diem eodem cum Ungaris idiomate uti. Hi quoque pisces pro tributo Principi offerunt. Ac quamvis gemmæ unionesque illinc in Moscoviam afferantur, non tamen in eorum Oceano colliguntur, sed aliunde, præcipuè verò à littoribus Oceanis, ostijs Dvvinæ vicinis, advehuntur.

Peczora
provin-
cia.

P E C Z O R A Moscoviæ Principis ditio longo tractu in Septentrionalem plagam fines suos juxta mare glaciale extendit. Denominata est à fluvio ejusdem nominis, qui à meridie fluens in Oceanum glaciale juxta oppidum & castrum Pustieziezero dictū, sex amplis ostijs exoneratur. Incolæ hujus regionis simplicissimi sunt, idioma proprium habentes: panis apud eos nullus usus. Pelles ferarum varias Moscorum principi pendunt pro tributo. In ostijs Peczoræ fluvii est castrum & oppidum **P V S T E I E Z E R O**, ultra quod in littore Oceani Septentrionalis variæ gentes sunt, quæ communiter Russis Samoiedz, hoc est, seipsos comedentes appellantur. Ad eundem Peczoræ fluvium est castrum & oppidum **P A P I N O V V G O R O D**: cujus accolæ Papini nuncupantur, diversumque à Russico idioma habent, & Principi Moscorum tributa solvunt.

Pustie-
zero op.
& castrū.

Papinov
gorod
op. & ca-
strum.

Obdoria
regio.

O B D O R I A à fluvio præterlabente Obdi denominationem accepit, qui ex lacu Kitaisko ortus, ab Oriente

Oriente in Septentrionem labitur. In hac regione ad ostia Obdi est quoddam idolum antiquissimum, è lapide excisum, quod Moscis Zolota Baba, id est, aurea anus dicitur. Est autem statua in formam cujusdam anus, quæ infantem in gremio tenet: atque ibi jam de novo alter cernitur infans, quem ejus nepotem esse nungantur. Sunt ibi instrumenta quædam posita, perpetuum sonum in modum tubarum edentia, quæ fortè vehementi ventorum & perpetuo in ea instrumenta flatu fiunt. Hoc idolum à Vogulicis & Hugiis Moscorum vicinis sanctè colitur, quod oraculi Delphici instar futura quærentibus respondere soleat. Ab Obdi fluvio à parte sinistra ascendendo, Calami populi in campatribus degentes occurrunt, Moscorum Principis tributarij.

C O N D O R I A ad Oceanum Septentrionalem sita, Obdoria conjuncta, perpetuo gelu & inviis nemoribus damnata est. Ejus indigenæ proprio idiomate utuntur, & aureæ anus idolum cum Obdorianis colunt, ferarum carnibus, quibus omnis generis affluunt, pro cibo utuntur, pelles verò varias Moscorum Principi pro tributo solvunt. Regio civitatibus, castris, pagisque prorsus nuda.

Condo-
ria re-
gio.

L U C O M O R I A regio longo tractu juxta mare Septentrionale extenditur, & ab incolis sine ullis

Luco-
moria
regio.

G

adibus

adibus in speluncis ferarum habitat. Huic confines sunt Grustinczi & Serponovvci populi, à castro Grustina, ad lacum Kitayko posito, dicti, ubi Oby fluvius supra dictus fontes suos habet. Ab hoc lacu plurimi homines nigri, communis sermonis expertes, veniunt, merces varias, inprimis autem gemmas unionesque secum adferentes, quas Grustinczi & Serponovvci mercantur. Hi à castro Serponovv Lucomoriae ultra Oby fluvium in montibus sitae nomen habent. Lucomoriae autem hominibus portentosum quiddam ac incredibile, fabulaeque persimile accidere ajunt, quos in singulos annos nempe vicesimâ septimâ Novembris die, quae apud Russos divo Georgio sacra est, praesentis frigore mori ajunt, ac vere insequentem maxime ad vicesimam quartam Aprilis ranarum & hyundinum instar reviviscere. Cum his quoque Grustinczi & Serponovvci. nova & alias inconsueta habent commercia. Cum enim statum moriendi seu dormiendi tempus ipsis imminet, merces certo deponunt loco, quas Grustinczi & Serponovvci, relictis suis interim aequâ commutatione mercibus, auferunt. Eas illi de divini si iniquiore aestimatione abductas esse viderint, rursus repetunt, unde lites plurimae ac bella inter eos oriuntur.

CAPUT V.

De populis Moscovitae.

A Lucomoria ulterius ad Oceanum glaciale pro-^{Loppi}
cedendo, LOPPI populi barbarie ac feritate ^{populi.}
gentes, in campestribus & silvis degentes occurrunt. Hi usquam certas habent sedes, sed uno in loco feris piscibusque, quibus victitant, (panis enim usum ignorant) depastis, aliò commigrant. Quamvis verò pane, sale, aliisque gulæ irritamentis careant, solisque piscibus ac feris utantur, multum tamen in libidinem proni esse perhibentur. Sagittarii sunt omnes peritissimi, adeò, ut si quas nobiliores in venatione feras nanciscantur, eas, quò pelle integrâ & immaculatâ potiantur, missâ in proboscidem, sagittâ, necent. Mercatores, aliosque hospites peregrinos domi cum uxore, venatum euntes, relinquunt, reversi, si uxorem hospitis consuetudine latam, ac solito hilariorem reperiant, munere aliquo hunc donant: sin minus, turpiter ejiciunt. Jam consuetudine hominum externorum, qui quaestus gratiâ eo commeant, innatam feritatem deponunt, ac mansuetiores fiunt. Mercatores libenter admittunt, à quibus ex crasso panno vestes, item

secures, acus, cochlearia, cultri, pocula, farina, ollæ, idque genus alia ipsis afferuntur: ita ut coctis jam cibis vescantur, humanioresque mores induerint. Vestibus ex diversis ferarum pellibus, zobellinis, hermelinis, cervinis, & id genus alijs insimul consutis utuntur, eorumque hujusmodi vestitus interdum in Moscoviam à mercatoribus deferitur, pilei etiam atque caligis ex cervinis pellibus confectis induuntur. Tuguriola sua, in quibus habitant, corticibus arborum cespitibusque tegunt. Nullus illis aureæ argenteæque monetæ usus, solâ rerum permutatione contentis: & cum aliorum idiomata non calleant, apud externos muti propemodum esse videntur. Tributo loco pelles & pisces, cum aliud non habeant, pendunt. Persoluto autem annuo tributo, nemini se quicquam debere, sui que se juris esse gloriantur. Regio, quam inhabitant, frigidissima esse putatur. Solem ibi solstitij æstivalis tempore quadraginta diebus perpetuò splendere (tribus noctis horis exceptis) ferunt, quibus sol velut quadam caligine obducitur, ut radij illius non appareant. Nihilominus tamen laborantes ab opere suo excluduntur. In his quoque partibus montes in altum eminentissimi esse dicuntur, qui ad Aetnæ similitudinem flammæ semper eructant, in quibus salamand

salamandæ, quæ in igne non secus ac pisces in aquis vivunt, crescere perhibentur.

CZEREMISSI populi sub Novogardia inferiori in silvis habitant, peculiarem hi linguam habent, Mahometique impietatem sequuntur. Regi Casanensium nunc parent, quamvis maxima eorû pars Moscorum Principi olim tributaria esset, unde subditis Moscoviæ adhuc accensentur. Hæc gens à Viatka & Volochda ad fluvium Kamam usque longè latetque sine ullis ædibus habitat. Omnes tam viri, quam feminae cursu sunt velocissimi, sagittarii peritissimi, arcu nunquam è manibus deposito: quo adeò oblectantur, ut etiam filiis cibum non præbeant, nisi præfixum scopum sagittâ feriant. Duobus miliaribus à Novogardia inferiore plurimæ erant domus ad civitatis oppidi que similitudinem, ubi sal decoquebatur. Hæ paucos ante annos à Tartaris exustæ, Principis iussu restitutæ sunt.

A Novogardia inferiore Orientem ac Meridiem versus, vastæ ingêtesque occurrunt sylvæ, quas MORDVI, Czeremis suis moribus & fide vicini, longissimo ad Volgam tractu inhabitant, qui vicinitate & animorum conjunctione gaudentes, pagos condiderunt, & agros colunt. Idioma proprium habent. Melle, diversisque animalium pellibus preciosis abundant, ho-

mines duri & bellicosi, Tartarosquē latrocinantes in finibus suis fortiter propulsant, omnes ferē pedites incedunt, arcubus oblongis utuntur, sagittāndiquē peritiā pollent, feras præstantiores, ut pelles earum integre & intactæ maneant, in nasum sagittā missā interficiunt. Eorum quidam Mahometi sectam sequuntur, quidam in idololatria perseverant. Vectigal annuum Moscorum Principi pelibus solvunt. Mulieres eorum decoris causā ungues nigro colore artificialiter inficiunt, apertōque capite ac crinibus passis semper spectantur. His admixti sunt Czeremissi alii, quos montanos appellant, eō quod ad vastissimorum montium radices plerunque commorantur sine ministerio civili, sine veste, cui incubent, ut à primis annis duritiæ parsimoniæque adsuecant.

Czeremissi
montani

Tartari.

Tartarorum
origo.

His confines populi sunt TARTARI, quos Tartaros propter immanitatem Tartaricam dici usus obtinuit, de quibus in genere prius quædam ex annalibus Rusficis referenda. Ajunt Moabitenos populos, qui postea Tartari dicti sunt, homines lingvâ, moribus, habituque à reliquorum hominum ritu consuetudineque dissidentes, ad Kalka fluvium pervenisse; qui, unde venissent, quo religionis dogmate uterentur, ignotum fuisse. Martinus Cromerus Historicus rerum Polonicarum exquisitissimus opinatur, eos Scythicam

thicam gentem, live a fluvio, live à multitudine nomen habeat, esse. Hi cum antè ultra Caspium mare, & intra Imaum montem ad orientem solem, ignoti Græcis juxta & latinis, habitassent, circa annum Christi millesimum ducentissimum secundum, vel, ut alii volunt, millesimum centessimum octogessimum octavum finibus egressi, devicti & interfecto Indorum Rege, cui servièrant, Asiam penè omnem victores longè lateque pervagati, & Volgâ fluvio transmissi ad Occidentem progressi, Polovvzii Rusforum vicinis bellum intulerunt. Incoluerunt autem Polovvzii campestria ad Tanaim & Mæotidem loca, indeque finitimorum ac Slavorum lingvâ Polovvzii & Polovvzii, non valde diverso à Polonis nomine, appellati sunt. Quamvis autem ii perpetui Rusforum hostes erant, necessitate tamen adacti, opem eorum implorârunt. Nec defuere Rusi auxilia invocantibus in communi periculo, quin legatos Tartarorum monentes, ne sese eo bello implicarent, contra jus gentium interemerunt. Commisso prælio, victores Tartari magnâ strage Polovvzios & Rusos fudère ac fugavère. Eurgientes autem Rusos ipsi etiam Polovvzii excepère, ac spoliatos trucidavère, Munitiones deinde Polovvziorum expugnata, ipsi deleti, & omnis illa

circa

circa Tanaim & Maotim ora cum Taurica Cherſoneſo à Tartaris habitari cœpta.

Reges
ſeu Du-
ces Tar-
tarorum

De Regibus ſeu Ducibus ipſorum hæc produn-
tur. BATHUM Tartarorum Ducem circa annum
Chriſti triceſimum ſextum ſupra milleſimum du-
ceſimum magno cum exercitu à meridie in ſepten-
trionem progreſſum, Bulgariam, quæ ad Volgam in-
fra Caſanum eſt, occupâſſe, & anno ſequenti in Mo-
ſcoviam perrexiſſe, eam longè latèque vaſtâſſe, tan-
demq; in ſuam poteſtatē redegiſſe, Georgio Principe
ipſorum caſo. Ex quo tempore omnes ferè Ruſſorum
Principes Tartaris tributarii fuère, atque ex ipſorum
arbitrio Duces ſibi conſtituère uſque ad VITOL-
DUM magnum Lithuaniz Ducem, qui ditiones ſuas
à Tartarorum armis maſculè defendens, vicinis
omnibus terrori fuit. Magni autem Volodimiriz &
Moſcoviz Duces uſq; ad Baſilium, qui tandem Tar-
tarorum jugum excuſſit, ſemper in præſtita ſemel Tar-
tarorum fide atque obedientia permansière. Batho in
principatu ASBECK ſucceſſit, mortuus circa annū
Chriſti milleſimum trecentefimum viceſimū ſextum,
cui filius SANABECK ſucceſſus eſt, qui fratribus
ſuis, ut ſolus ſine metu regnaret, occiſis, moritur anno
quadreſimo ſupra milleſimum trecentefimum o-
ctavo. Hunc BERDEBECK ſecutus, qui fratribus
duode-

duodecim pariter maſtatus, obiit anno quinquageſi-
mo ſupra milleſimū trecentefimum nono. Poſt quem
ALCULPA à Naruſſo quodam regulo cum liberis
ſtatim ab initio imperii interfectus, non ultra men-
ſem imperavit Cui CHIDIR ſuccedens, à filio
THEMEROSCHA occiſus eſt, qui regno per
ſcelus parto vix ſeptem diebus potitur. Poſthos THA-
CHAMISCH imperium naſtus, anno milleſimo
trecentefimo octogefimo ſecundo, cum exercitu egreſ-
ſus, Moſcoviam ferro igneque depopulatus eſt, qui à
Themirkuthlo profligatus, ad VITOLDUM ma-
gnum Lithuaniz Ducem profugit. THEMIR-
KUTHLV verò regnavit ferè triennium, cui SCHA-
TIBECK filius ſubſtitutus eſt Poſt quem THE-
MIRASSACK, cum exercitum Rhezanum ad de-
vaſtandam Moſcoviam ingentem duxiſſet, tantum
Moſcis terrorem incuſſit, ut deſperatà victoriâ, armis
abjectis, ad Divorum tantum auxilium confugerent.

Dividuntur autem Tartari in Hordas, in quibus Tartaro-
Zavolgenſis & celebritate & multitudne facilè pri-
mas fert, reliquæ enim omnes ex ea originem ſumpſiſ-
ſe dicuntur. Significat autem horda illis conventum
ſeu multitudinem, & quælibet peculiare nomen ha-
bet, ſcilicet Zavolgenſium, Caſanenſium, Præcopien-
ſium, Nohajenſium, &c. quæ omnes Mahometanam
H ſuperſtiſ

superstitionem sectantur. Sunt autem Tartari **CASANENSES** cultiores reliquis, utpote, qui & agros colant, in domibus degant, mercaturasque varias exerceant. Quos **BASILIIUS** Moscorum tyrannus eò adegit, ut ei se subjicerent, atque ejus arbitrio Reges acciperent. Quod illis partim ob fluviorum oportunitatem, qui ex Moscovia in Volgam influunt, partim ob commercia mutua, quibus illi carere non poterant, factu haud difficile fuit.

Nohai-
censes.

Post Casanenses Orientem versus procedendo, Tartari **NOHAICENSES** primi occurrunt, qui ultra Volgam circa mare Caspium ad fluvium Jaick habitant. Hi duntaxat Duces habent, provinciaeque inter tres dividitur Ducatus: quorum primus cum civitate Scharaiczik ultra Volgam versus Orientem, cum adjacentem ad Jaick fluvium regione extenditur, Scharaicensisque Ducatus dicitur. Secundus est inter Kamam, Jaick, & Volgam fluvios. Tertius Sibiroensis provinciae partem, & omnem circumjacentem regionem possidet. Atque hæ regiones fere siluosa sunt, excepta eà, quæ ad Scharaiczik vergit.

Zavol-
genses.

ZAVOLGENSIUM Tartarorum horda seu turma à Casanensi regno & Nohaicensi horda nonnihil in meridiem reflectendo sequitur. Ascivit autem cognomen à Volga, qui eam longo tractu interfuit. Hæc quasi
Prins

Princeps cæterarum omnium olim extitit, incolarum videlicet multitudine, ac rerum gestarum fortitudine, locique affluentia & opportunitate, ex qua cæteri omnes Tartari campestres ortum genusque duxere. Hæc autem horda inter Volgam & Jaick fluvios juxta mare Caspium sita est. Hic semen quoddam melo- ^{Bora}rum semini haud absimile, paulò tamen majus ac ^{nec se-}rotundius, crescere dicitur, ex quo in terram condito ^{men a-}quiddam agno persimile quinque palmarum altitu- ^{gno si-}dine succrescit. Idque eorum linguâ Boranecz, quod ^{mile.}agnellum sonat, vocatur. Nam & caput, oculos, aures, cæteraque omnia in formam agni recens editi, pellem præterea subtilissimam habet, quâ plurimi in iis regionibus ad subducenda capitis tegumenta utuntur. Fertur insuper, plantam illam (si tamen plantam vocari fas sit) sanguinem quidem habere, carnem verò nullam: sed carnis loco materiam quandam, cancrorum carni persimilem, ungulas porro non ut agni corneas, verum pilis quibusdam ad cornu similitudinem vestitas: radicem illi ad umbilicum seu ventris medium esse, vivere autem tamdiu, donec depastis circum se herbis, radix ipsa pabuli inopiâ arescat. Hi Tartari Reges sui juris ad **ALEXANDRI** usque Poloniae Regis tempora habebant. Sed tandem **SACHMAT** Zavolgensium Rex ultimus

mus ob injuriam quandam, quam olim Crimsciiis prædecessores ejus intulerant, à Machmetgireio Tauricæ Rege regno exturbatus est. Qui ad ALEXANDRUM Poloniae Regem, magnūmque Lithuaniae Ducem profugit, ut inito cum eo foedere, conjunctis viribus Mahometkireium ejicerent. Cū verò Alexander Rex longius bellum differret, interim Mahometkirejus Zavolgensium Regis exercitum profligavit, totumque ejus regnum subegit. Atque hic Zavolgensium Regum imperii finis fuit, cum quibus & Astracani Reges, qui quoque ex eisdem Regibus originem traxerunt, unā perire. Quibus ita extinctis, Regis Tauricæ potentia majorem in modum adaucta, vicinis gentibus terrori fuit, qui post ad majora animum applis- cuit, Mamaique Nahaicensi Principe sibi adjuncto, Tauricam anno millesimo quingentesimo vicesimo quarto cum exercitu egressus, Regem Astracani adortus est, cujus urbem, cū illā relictā metu profu- gisset, obsidione cinctam occupavit. Interim Mamai se cum Nahaicensi Principe Agi conjungit, veritus, ne Machmetkirejus, in se fratremquē armis conversis, regno utrumque exuat, aut in servitutem abducatur, non multo post Mahmetkirejum domi securius agentem cum Sultano filio, facto impetu, obtruncant, majorem ejus exercitus partem fundunt, reliquosque in fu- gam

gam vertunt, ac ultra Tanaim Tauricam usque insequentes fugant: Præcop civitatem obsident, tentatisque omnibus solutā obsidione domum redeunt. Horum ergo operā Rex Astracani regno suo iterum potitus, viresque regni Tauricani cum Mahmetkireio conciderunt. Post quem frater ejus Sadachgireius auxilio Turcæ, cui tum serviebat, regnum suæ potestatis fecit: qui cū Turcicis moribus imbutus, rariùs præter Tartarorum morem in publico versaretur, neque se subditis conspiciendum præberet, à Tartaris ejicitur, inque ejus locum ex fratre nepos surrogatur. A quo cum Sadachgirei captus fuisset, nepotem, nec eade in se serviat, sed senectutis suæ misereatur, ac reliquum vitæ in castro aliquo privatim agere permit- tat, orat & impetrat. Ultra Viatkam & Casanum Tartarorum tres hordæ habitant, qui Tumenski, Schibanski, & Kosaczki vocantur. Ex quibus TUMENS-<sup>Tumen-
ski.</sup> KI in silvis habitare, decemque millium numerum ajunt non excedere. Alii præterea Tartari trans Volgam sunt, qui quod soli capillos nutriunt, Kalmuchi<sup>Kalmu-
chi.</sup> nuncupantur, & ad mare Caspium Schamachia, à qua etiam regio nomen acquisivit, ita appellati. Incolæ in texendis sericeis vestibus excellentes, quorum civitas sex dierum ab Astracano abest, quam unā cum regione Rex Persarum hoc tempore possidet. As-

Astraca-
nenfes.

ASTRACANENSE regnum, post Nohaicenses & Casanenses ad mare Caspium situm, complures civitates habet, ex quibus **ASTRACANUM** urbs opulenta, magnumque Tartarorum emporium, à qua etiam regnum nomen obtinuit, ad Volgæ ostia cōdita est. Eo loco Volga septuaginta ostiis in Caspium mare exoneratur, multasque ibi insulas facit, tantâque aquarum copiâ ingreditur, ut procul spectantibus mare esse videatur. Hoc regnum olim sui juris erat, Regesq; hæreditarios habebat: verum à JOANNE Basilide Moscorum tyranno unâ cum urbe tandem subjugatum est.

Kyrgeſi

KYRGESII Tartari catervatim in campis degunt, quos mortuos loco sepulturæ arboribus suspendunt. Iis finitimi sunt **BASCHIRDI** Tartari ab Occidente, & **HIESELITI** ab Oriente. Ab iis ultra Imaum montem longo tractu progrediendo ad Oceanum Scythicum, Molgomozani, Baydaique Tartari occurrunt, in castris cavernisq; subterraneis vitam degentes, omniumq; animalium, & reptilium, serpentum, vermium, murum, & id genus aliarum rerum in comestibulum carne vescentes. His contermini sunt Macriti & Samogitæ. A regno Astracanensi in Meridiem reflectendo, circa Maotidis paludes & Pontum Euxinum ad fluvium Cupa, qui paludes influit, **APHGASII** populi sunt, ubi etiam usque ad fluvium Merulam, qui Pontum Euxinum illabatur, montes occurrunt,

Bafchir
di & Hie-
seliti.Molgo-
mozani
& Bay-
dai.

runt, quos **CIRCASSI** Tartari Pietiorſcii dicti, hoc est quinquemontani incolunt: viri martii, montiumq; asperitate freti, nec Turcis, nec Tartaris parent. Eos tamen Christianos esse, suis legibus vivere, in ritibus & ceremoniis cum Græcis convenire, lingvâ Slavonicâ, quâ utuntur, sacra peragere Rusſi testantur. In castris, ut ceteri Tartari, vivunt, & in propinquorum funeribus pompas ducunt, inque memoriam mortis amicorum auriculam integram partemve ejus, amorem testificantes, sibiipsis amputant. Piratæ audacissimi sunt, quippe fluvii, qui ex eorum montibus fluunt, navibus in mare delapsi, quoscunq; possunt, spoliant, eos præsertim, qui ex Capha Constantinopolim navigant. Inter Casanenſe & Astracanenſe regna, longo secundo Volgam tractu, ducentis & triginta miliaribus ad Boryſthenem usq; campi deserti sunt, quos Tartari nullis sedibus certis inhabitant, præter Asoph & Achas civitates, quas magna Tartarorum pars incolunt, certas sedes habentes. In his prædictis campis civitas Krim, olim Regum Tauricæ sedes, à qua Krimſci denominabantur, posita est. Postea toto Isthmo, spacio mille ducentorum passuum ad insulæ formam perfosso, Reges Tauricæ, non Crimſcii, sed **PRÆCOPSCII**, ab illa nimirum perfosione sumto vocabulo, nomen nacti sunt. Hæc autem civitas **PRÆCOP** in Taurica Cherſoneſo, ab Asoph quinque dierum itinere abest,

Circassi,

Campi
deserti.Præcop-
ſcii ſive
Crimſcii.

Oczakovia
cast. &
opp.

Porro tota Chersonesus silvâ quadam per medium scinditur, eaque pars, quæ Pontum respicit, in qua Capha insignis urbs, tota Turcis paret. CAPHAM autem emporium totius Asiæ celebre Mahometes Turcarum Imperator, Constantinopoli expugnata, Genuensibus proditione quorundam Genuensium, ademit. Alteram peninsulæ partem Tartarus tenet. Omnes autem Tartari Præcopienses sive Crimæscii, qui nunc Tauricam incolunt, originem suam ex Zavolgensi Tartarorum horda ducunt: cumque propter intestinam seditionem regno pulsi fuissent, nec usquam in vicinia firmam habere sedem possent, hanc Europæ partem occupavere, ac veteris injuriæ haud immemores, diu cum Zavolgensibus variis bellorum eventibus belligeravunt, donec eos prorsus regno exuerent, Regesque eorum delerent. Ad Borysthenis ostia Oczakovia castrum & civitas, quam Tauricæ Rex Lithuanicæ Principibus ademptam possidet, extructa est, quam nunc Turca tenet. Distat à Præcopia quatuordecim miliaribus, à Circas circa Borysthenem ad Præcopiam quadraginta, supra Circasos septem miliaribus per Borysthenem ascendendo, Cainovv oppidum occurrit, à quo decem & octo miliaribus est Kiovia. Porro ab hac civitate Oczakovv Tartari Præcopenses, qui eam incolunt, Oczakovvsci dicuntur, frequen-

quenterque varijs excursionibus Podoliam; & aliquando Lithvaniam ipsam, cæterasque Rusiæ partes infestant, prædasque & spolia cum hominibus abigunt, maximè verò hujusmodi excursions facere solent, cum illis stipendia consveta à Rege Poloniæ iusto seriùs retinentur. Solet enim Rex Poloniæ huic Regi Tauricæ stipendia certa quotannis pendere, eâ conditione, ut operâ illius, quavis urgente necessitate, adversus hostes suos utatur: præcipuè verò ad Moscorum principis regiones infestandas, unde & Moscus missis subinde muneribus aliquando illum sibi devincire solet. Tartarus verò muneribus interdum utrinque acceptis, utrumque etiam vanâ spe lætat. Regi tamen Polonorum impensius fideliusque militat, Mosci provincias ipsius in gratiam divexans, atque igne ferroque vastans.

C A P U T VI.

De Moscovia solo.

Est autem M O S C O V I A omnis ferè plana & campestris, maximè, quâ ad Occidentem & Septentrionem. Montes ibi nulli, nisi circa Peczoram fluvium Semnoi Poyas, id est, cingulus mundi vel terræ; montes altissimi, ad ripas usque se protendentes, quorum vertices ob continuos ventorum flatus omni

Mosco-
via pla-
na & câ-
pestris.
Montes
Semnoi
Poyas.

I

prorsus

prorsus materiâ gramineque ferè carent. In his montibus nidificant falcones varij, præsertim gerofalcones sive hierofalcones, & sacri, & peregrini, quos piterum Principum luxus in aucupijs non agnovit. Crescunt etiam illic arbores cedri, circa quas nigerimi zobelli reperiuntur. Atque in Principis Moscorum ditione hi montes soli cernuntur, qui fortassis veteribus Riphæi vel Hyperborei montes visi sunt: & quod perpetuis nivibus ac glacie rigeant, transire ægerrimè possint, Engroneland provinciam incognitam faciunt. BASILIUS Moscorum Princeps aliquando ad exploranda ultra hos montes loca, gentesque subjugandas, duos præfectos Ducum genere oriundos per Permiam & Peczoram miserat, quorum unus ex illis, Simeon Pheodorovicz ex Iaroslaviorum Ducum prosapia, Sigismundo Herberstenio Baroni legato Cæsareo, de illis montibus scripsit, decem & septem in ascendendo dies se consumpsisse dicebat: neque tamen montis verticem, qui patrio nomine Stolp, hoc est, columna nuncupatur, attingere potuisse. Extenditur mons ille in Oceanum usque ad ostia Dvvinæ & Peczoræ fluviorum. Silvis, saltibus, ac nemoribus plena est Moscovia, cuius bonam partem Hercynia silva occupat, reperiuntur ibi, præsertim ea in parte, quæ ad Prusiam vergit,

Silva.

git, uri feroces & ingentes, quos bisontes^{ali} vocant, item alces, ursi magnitudinis raræ, lupi prægrandes, nigro colore formidabiles. Ferunt & hi saltus feram, quam Rosomackam vocant, mirabilem, quæ satira ac distenta duorum stipitum angustias quærit, per quas se transmittens, ventris onus, quod aliis non egerit, excolat. Vitem, nec oleam, nec paulò suavioris pomi frugiferam arborem, præter melopepones & cerasæ, eaque austera producit, cum tenuiora quæque gelidissimis Boreæ flatibus exurantur. Tam intensum enim ibi frigus esse dicitur, ut ex humidis lignis in foco structis destillans liquor in stiriam concreseat. Tanta diversitas tantillo spacio, ut hinc prunam, illinc glaciem in eadem face cernas: imò tanta est nonnunquam frigoris vis, ut radicitus arbores arecant, & aqua editiori ex loco effusa, antequam terram contingat, congeletur. Id quod in bello Moscovitico, quod STEPHANUS Poloniae Rex adversus Moscorum tyrannum gessit, præsertim in obsidione Plefcovianâ, experiundo complures milites cognovêre Poloni. Ubi tanta aëris inclementia erat, ut, ubi quis extra tabernaculum vix pedem protulisset omnibus ferè membris, iis potissimum, quæ maximè aëri patebant, paribus, auribus,

I 2,

atque

atque facie gelu astrictis emoreretur. Campi tamen tritici, siliginis, milij, panicique, & omnis generis leguminum segetes ferunt, sed certissima messis in cera ac melle consistit. Regio enim tota fecundissimis apibus plena est, quæ non in manu factis agrestium alvearibus: sed in ipsis arborum cavis probatissima mella conficiunt. Hinc per silvas & opacissimos saltus frequentia ac nobilia apum examina ramis arborum pendentia videre est, quæ nullo æris crepitu colligere sit necesse. Reperiuntur sæpe favorum ingentes massæ arboribus conditæ, veteraque mella delicta ab apibus, cum singulas arbores in vastis nemoribus rari agrestes minimè perscrutentur: ita ut in admirandæ crassitudinis arborum stipitibus permagnos mellis lacus aliquando reperiant. Fertur de quodam agricola, qui quærendi mellis causa in grandem cavam arborum supernè desiliit, profundoque mellis gurgite petore tenè haustus fuit, ac biduo vitam melle solo sustinuit, cum vox opem implorantis in ea silvarum solitudine ad viatorum aures penetrare nequivisset: ad extremum verò desperatâ salute mirabili casu ingentis ursæ beneficio inde extractus evasit, cum fortè ejus beluæ ad edenda mella, more humano se demittentis, aversos renes manibus compræhendisset, & eam subito timore exterritam, ad exiliendum tum tra-

ctu ipso

Mosco-
via apti-
bus p e
na.

ctu ipso, tum multo clamore concitasset. Linum quoque & canabim in restes, multa que item boum tergora, & massas ceræ ingentes Mosci in omnem Europæ partem mittunt. Auri, argente, vel ignobilioris metalli, ferro excepto, vena apud eos nulla reperitur, nullumque est totâ regione, vel gemmarum, vel preciosi lapilli vestigium: omnia ea ab externis populis petunt. Naturæ tamen injuria, quæ tot bona prorsus inviderit, uno nobilissimarum pellium mercimonio refarcitur.

CAPUT VII.

De fluviis, lacubus, piscibus, & paludibus.

FLUVIOS non paucos habet MOSCOVIA, eosque navigabiles, qui sunt præcipui: Moscus, Occa, Tanais, Sura, Clesma, Vgra, Vujesma, Volga, Borysthenes, Volchov, Narva, Volochda, Vaga, Viatka, Peczora, Vsa, Obdy, Coslin. MOSCUS in Tverensi regione quatuordecim ferè supra Mosaiscum miliaribus, haud procul à loco, qui Olesno dicitur, fontes habet, indeque emensis sedecim miliaribus ad Moscoviam civitatem decurrit, receptisque in se aliis quot fluviis Orientem versus, Occam fluvium illabitur. Cæterum sex supra Mosaiscum miliaribus primum navigabilis esse incipit: quo loco materia ad fabricandas domos alioque usus rotibus imposita Mo-

I 3 scoviam.

Fluvii
Mosco-
via

Moscus

Occa.

scoviam defertur. Fluvius non admodum piscosus, ut qui præter vulgares & viles nullos pisces habet. O C C A non procul a Msceneco oritur, lautissimorum piscium ferax est, & campos, quos irrigat, fertilissimos reddere putatur. Vorotiniam, Colugam, Cerpacum, Corfyræ, Columnam, Rezanam, Casinogorodum, & Muriniam alluit, tandemque Volgam infra Novogardiam inferiorem ingreditur, silvis utriusque clauditur, quæ melle, aspreolis, hermelis, & matibus plurimum abundant. Effundit Senum & Sosnam, ex quibus S e m primò in Meridiem profluens, & mox cursu in Orientem converso Severiensẽ Ducatum præterit, oppidoque Potivolo salutato, non procul à Czernihova Disnam bibit. S o s n a autem cursu in Orientem directo, per Tartarorum campetria in Tanaim defertur. T A N A I s fluvius nominatissimus, qui Europam ab Asia determinat, octo ferme à Tulla oppido in meridiem miliaribus oritur, ex lacu quodam ingenti Iyvanovviezero dicto, qui in longitudine & latitudine circiter centum miliaria extenditur, in que silva Okoniczkilies, vel, ut alij volunt, Iepiphanovvlies ortum habet. Ex hoc lacu Schad & Tanais, duo flumina magna, emergunt, Schad in Occidentem, Uppa fluvio in se recepto, Occam inter Occidentem & Septentrionem devolvitur. Tanais autem

Tanais.

tem, Moscis Don, primo cursu rectè in Orientem fluit, atque inter Casium & Astracanum Tartarorum regna, sex vel septem miliaribus à Volga fluvio, cursu non nihil in Septentrionem incurvato, labitur, dein reflexo in Meridiem cursu paludes facit, quas Maxotidis vocant, ad cuius ostia A s o p h civitas Turcis tributaria condita est, quæ prius Tanas vocabatur. Supra hanc quatuor aut quinque dierum navigatione ab Istimo Tauricæ, quæ nunc Præcop dicitur, distat. Hic fluvius ab optimorum piscium copia singulari, item amœnitate, quod utraque fluminis ripa diversis herbis radicibusque suavisimis, adhuc arboribus fructiferis plurimis variisque, in modum horti, quasi industriâ quadam exculta atque confita sit, satis commendari non potest: & quod tanta ferarum, quæ parvo negotio sagittis conficiuntur, ibi sit multitudo, ut per ea loca iter facientes ad vitam sustentandam nullâ alia re, igni tantum saleque excepto, indigeant. Est etiam alter Tanais minor, qui in Severiensi Ducatu ortum ducit, unde Donecz Severski nancupatur, qui supra Asophum in Tanaim defertur. Sura ex meridie decurrens infra Novogardiâ in Volgam exoneratur, Moscorum terrâ à Casanensi regno separat, quod ad Volgæ ripas longissimè porrectum, meridiem orienteq;

Tanais minor.

Sura.

versis

versus latissimos & fertilissimos Tartarorum campos
 habet. **C L E S M A** quatuor à Moscovia milliariibus
 oritur, multisque ibi molendinis celebris, ac commo-
 dus est, qui infra Volodimiriam usque ad Murinum
 oppidū in Occælitore situm, spacio duodecim mil-
 liarium navigatur, Occæque fluvio jungitur. **V G R A**
 ptofundus & lutosus, non longè à Drohobus in silva
 quadam oritur, interque Colugam & Vorotinum in
 Occam exoneratur. Is fluvius olīm Litvaniam à Mo-
 scovia dividebat. **V I E S M A** oppido ejus nominis
 nomen dedit, qui haud procul inde uno ferè milliari
 in Borysthenem fertur: solentque oneratae mercibus
 naves inde Borysthenem devehī, atque pōst vicissim
 adverso Borysthene Viesnam usque portari. **V O L G A**
 ex palude VVronovv ortum sumens omnem ferè
 Moscoviam pererrat, emensisque Casanensium &
 Astracanorum terris, aliorumque Tartarorumque des-
 fertis, septuaginta ostiis in mare Caspium sive Hircas-
 num influit. Vocatur autem Volga à Tartaris Edel,
 à Ptolomæo Rha: tantaque inter hunc & Tanaim in
 campestribus est vicinitas, ut septem duntaxat milia-
 ribus distare affirmant. **B O R Y S T H E N E S** juxta
 pagum quendam Dnepersko fontes habet, unde ab
 incolis Dnepr vocatur. Haud procul ab eo loco est
 monasterium sanctæ Trinitatis, ubi oritur alius fluvius
 prior

Clesma.

Vgra.

Viesma.

Volga.

Borysthe-
nes.

us priore major, Dneprecz per diminutionem dictus.
 Ambo autem hi fluvij inter Borysthenis fontes & pa-
 ludem Vronovv confluunt, quo loco Moscorum
 Chlopigrodenſium merces navibus impositæ in Lith-
 vaniam deferuntur, solentque mercatores ibi in mo-
 nasterium ceu diversorium divertere. Est autem Borys-
 thenis cursus hic, ut meridiē primū respiciens Vies-
 nam salutet, mox cursū in Orientem verso Droho-
 busēm, Smolenscum, Oisam, Dubrovvam, Mohilo-
 vamque prætereat: indeque rursus meridiei obversus
 Kioviā alluat, atque tandem per Tartarorum deserta
 ad Præcopienſes delatus, in Pontum Euxinum mul-
 tis fluminibus receptis exoneretur. **D V V I N A** lacus à Dyvina,
 fontibus Borysthenis decem ferè milliariibus, & totidē
 à palude VVronovv distat. Ex eo fluvius ejusdem no-
 minis Occidentem versū, qui à Vilna viginti milliari-
 bus abest, ac dein in Septentrionem decurrit, & prope
 Rigam mare Germanicū illabitur: alluit Vitepscum,
 Poloscum, & Duneburgum. **L O V A T V S** cæteris tri-
 bus minimè comparandus, oritur inter lacū Dyvina,
 ac paludem Vronovo, aut ex ipsa palude. Est autem
 ille fluvius, ut Rusſorum annales habent, in quem S.
 Andreas Apostolus ex Borysthene per siccum navicu-
 lam traduxit, & qui emensis quadraginta ferè milliari-
 bus Vielicolucum alluit, inque Ilmen lacum influit.

Lovatus.

K

VOL

Volchovv Novogardiam interlabitur, emensisque triginta sex miliaribus Ladoga lacum ingreditur, qui in latitudinem sexaginta, in longitudinem centum penè miliaribus, insulis tamen quibusdam interjectis, patet: effunditque magnum fluvium Neoa, qui Occidentem versùs in Germanicū mare sex ferme miliaribus decurrit. **Narva** ex lacu Czuczko oritur, duobus in se fluvius receptis, Pskovva & Vvelikareka, qui venit ex meridie, Opoczka oppidum Pleseovia à dextris relictā præterfluit, tandemque mare Livonicum in fluit. **Volocheda** oppido & castro Volocheda nomen imposuit, eamque, in Septentrionem præterlabitur, cui Suchana fluvius ex lacu Koinskavvoda emergens, octo miliaribus infra civitatē jungitur, nomenque Suchanae retinet, atque inter Septentrionem & Orientē labitur. **Vaga** inter Bieleieziero & Volochedam in paludibus densissimisque silvis oritur, ac Dvvinam fluvium illabitur. Accolæ, quod pane ferè careant, venatione victitant. Capiuntur ibi vulpes nigræ, & coloris cinericei. **Viatka**, qui regioni ejusdem nominis nomē dedit, in Camam se exonerat, ad cujus ostia Czeremis si latrocinatur. **PECZORA** regioni etiam nomen tribuit, à meridie fluens in Oceanum glaciale, juxta oppidum & castrum Pusteiezioro sex amplis ostiis exoperatur. Ultra hunc fluvium montes illi sunt alti

altissimi, ad ripas usque protensi, de quibus antè. Circa ostia hujus fluvij, quæ sunt dextrorsū ab ostiis Dvvinæ, varia magnaque in Oceano animalia esse dicuntur. Inter alia autè animal quoddā, bovis magnitudine, quod accolæ **MORS** appellant. Breves huic instar castorum sunt pedes: pectore pro reliqui corporis sui proportionē aliquantò altiore latioreque, dentibus superioribus duobus in longum prominentibus. Hoc animal solis ac quietis causā cum sui generis animalibus Oceano relictō gregatim montes petit: ubi, antequam somno, quo naturā profundiore opprimitur, se dederit, vigilē gruū instar ex suo numero constituit. Qui si obdormiscat, aut fortè à venatore occidatur, reliqua tum facilè capi possunt: sin mugitu, ut solet, signum dederit, mox reliquus grex excitatus, posterioribus pedibus dentibus admotis, summā celeritate tanquā vehiculo per montē delapsi, in Oceanū se præcipitant: ubi in supernatantibus glacierum frustis pro tempore etiam quiescere solent. Ea animalia venatores solos ob dētes insectantur, ex quib. Mosci, Tartari, & inprimis Turcæ gladiatorum ac pugionum manubria affabrè faciunt, hisque pro ornamento magis, quàm ut graviores ictus incutiant, utuntur. **Vssa** fontes suos habet in monte Poyas Semnoi, qui ab ortu æstivali ad lævam est, fluitque ex ingenti ejusdem montis saxo, quod **Kamen**

Mors animal
terribile
in mari
& terra
degenz.

Vssa.

men Bolschoi vocant. Ab Vslæ fontibus usq, ad ejus ostia ultra centum miliaria numerantur. Porro Peczo-
 ra à meridionali hac parte hiemali fluit, à quo ex Vslæ
 Obdy. ostiis ascendendo, usque ad Suchagoræ fluvij ostia, is
 ter trium hebdomadarum est. OB DY oritur ex Kitay-
 sko lacu amplissimo, cujus adeò vasta latitudo est, ut
 ad sedecim milliaria in latitudinem pateat, quæ navi-
 gantes vix bidui spacio trajciunt. Piscibus adeò abun-
 dat, ut navigantium remigiis premantur. COSSIN
 Cosfin. ex Lucomoriæ montibus delabitur, in hujus ostiis
 Cosfin castrum est. Eò à Cosfini fluvij fontibus est duo-
 rum mensium iter. Porro ex ejusdem fluvij fontibus
 Casfima. alter fluvius CASSIMA oritur, emensque Lucomor-
 riâ in magnum fluvium Tachnin influit, ultra quem
 prodigiosæ formæ homines habitare perhibetur, quo-
 rum alij ferarum more toto corpore pilis horrent: alij
 caninis capitibus, alij prorsus sine collo pectus pro ca-
 Tachnin pite habent, longasque sine pedibus manus. Es-
 se adhæc & in TACHNIN fluvio pisces quosdâ fertur,
 capite, oculis, naso, ore, manibus, pedibus alijsque hu-
 manâ prorsus formâ, nullâ tamen voce. Habet & Mos-
 Lacus. covia lacus, qui deciduo syderum semine pisces gene-
 Lacus albus. rant. In his Princeps est lacus albus, Moscis BIELE-
 IEZIERO, ad duodecim millia in longitudinem,
 totidemque in latitudinem extensus, qui gremio suo
 trecentos, & sexaginta fluvios excipit, solo tantum So-

na in Volgæ fauces emissio. Qui & hoc nomine me-
 morabilis est, quod arx munitissima in eo sit extructa,
 quò Moscorum Princeps gazam confert suam, si quâs
 do belli terror adsit. Ab hoc lacu intra telij jactum, est ^{Sulphu-}
 alius lacus, naturam sulphuris referens, vel ipsum et ^{reus.}
 jam sulphur proferens. Inscitiâ tamen gentis ejus ibi
 nullus usus est. Secundum hunc est IVVANOIEZIE ^{Lacus}
 RO, id est, lacus Iohannis, qui ad centum miliaria se ^{ioannis.}
 extendit. In lacu KITAY Obdy fluvius fontes suos ha-
 bet Ab hoc lacu hominis nigri, sermonis expertes,
 ad Grustinam arcem, omnis generis merces adferen-
 tes, venire assolent, quas illius loci incolæ ab ijs emunt,
 vel mercibus permutant. ILMEN lacus supra Novos ^{Ilmen.}
 grodiam in longitudinem octodecim milliarium, in
 latitudinem verò duodecim patens, duos præter alios
 celebriores fluvios excipit, Lovatum & Scholona. Is
 ex quodam lacu emergit, unum verò emittit VOLO-
 CHOVV, qui Novogardiam interlabitur, decursusq;
 triginta sex miliaribus LADOGAM lacum ingreditur.
 DVVINA lacus à fontibus Borysthenis decem ^{Dyvina.}
 re miliaribus, totidem à palude Vronovvo distat. Ex
 eo fluvius ejusdem nominis Occidentem versus, qui à
 à Vilna viginti abest miliaribus, ac dein, in Septen-
 trionem deflectit, & prope Rigam mari commiscetur.
 Sunt & alij lacus non pauci, sed ignobiles, Lagoda,
 K 3 Czuczko

<sup>Solovki
insula.</sup> Czuczko, Kulvius, & quidam alij. Nec hinc prætereunda est insula SOLOVVKI, Septentrionem versùs, inter Dvvinam & Corelam provincias, à continenti octo miliaribus in mari posita. Distare à Moscovia trecentis miliaribus, à Bieleieziero ducentis dicitur. Est etiam ibi dives piscium piscatio, qui Selgi indigitantur.

^{Pisces.} PISCUM in Moscovia copia haud mediocris. Ante alios ingentes & sapidissimos pisces, præsertim sturiones, Volga nobilissimus præbet: & ij quidem hyeme multâ inclusi glacie recentes pluribus diebus asservantur. Habent præterea pisces quosdam peculiare, quos ipsi suâ linguâ BELUGA vocant, miræ magnitudinis, sine spinis, capiteque, & ore amplo. Habet & aliorum piscium varietatem ferme incredibilem, & præsertim alborum pisciculorum saporis eximij. Ex hoc fluvio pisces in lacum & fluvium Bieleieziero pervenientes, tantò nobiliores, quantò diutius in eo fuerint, redduntur. In quibus agnoscendis ea est piscatorum peritia, ut pisces in Volgâ reversos captosque, quanto tempore in eo fuerint, agnoscant. In Tanaï optimorum piscium abunde satis est. OCCA piscium multitudinem, qui cæteris Moscoviæ fluminibus præferuntur, habet. Dvvinâ provincia omnis generis piscibus affluit, ex quibus incolæ victum acquirunt. In insula Solovvki piscium Selgorum abundantia. In Tach-

Tachnin fluvio pisces quidam nasci dicuntur, qui capite, oculis, naso, ore, manibus, pedibusque hominem referunt, sed absque ulla vocis expressione, qui, ut alij pisces, sive ex se præbent obsonium. Sunt & PALUDES crebræ vastæque, ex quibus fluvij non pauci oriuntur. Et quidem in silva, cui cognomen Volkovskiles, palus est profunda, VVRONOVV dicta, ex qua fluvius non ita magnus duobus ferè miliaribus in lacum Volgo influit, Volgaque derivato à lacu nomine vocatur. Cis Mscenecum castrum dirutum, sunt paludes densæ, in quas incolæ periculo instante tanquam in castrum confugiunt.

CAPUT IIX.

De habitatione, vestitu, atq; victu.

AEDES Moscorum ubivis truncis abiegnis contextuntur, inferiore trabe quodam alveo super<sup>Habitan
di ratio,</sup> jacentis rotunditatem ita excipiente, ut hac solâ admissurâ omnem propemodum flatum excludant: solent tamen juncturæ muscari. Forma ædium quadrata est, fenestræque perangustæ, per quas impage translucidâ pelle obductâ lumen admittunt. Domorū tectatubulatis fiūt, arborū corticib; foris inductis: intus ad parietes lata habet scamna. Hæc passim pro accubitis, lectorū enim usus vulgo ignotus. Ignis in hypocautis seu

Ceremo-
nia in al-
terius do-
mum in-
gredien-
tium.

seu vaporariis manè structus, totam domum pro modo tepidam ac calidā reddit. Vestibula ædium quāvis ampla & alta habeant, fores tamē humiles sunt, ita ut ingressurus quispiam demittere se cogatur. In singulis verò habitationibus imagines Sanctorum pictas aut fusas loco honorificentiore habent, hasque pro penatibus venerantur. Cū autem alijs ad alium visum sit, ingressus habitationem, non ilicō domus dominum salutatur, sed protinus caput aperiens, ubi imago sit, circumspicit, quāvisā, ter se crucis signo munit. in-
quiens: DOMINE MISERERE. Post salutatur hos-
pitem his verbis: Deus det sanitatem. Mox porrectis manib. consalutantes inter sese deosculantur, capitibus more patrio frequentius inclinatis. Dein mutuō se in-
tuentur, vter magis se incurvet: atque ita ter quaterq; caput alternatim inclinando de honore quodam modo concertant. Hospes tandem abiturus, rursus ter se signat cruce, priora verba reverenter proferens, salute ultro citroque datā discedit. Si est alicujus dignationis vel autoritatis, eum tum hospes ad gradus usque sequitur: sin præstantior, longius comitatur habitā & observatā cuiusque dignitate.

Vestitus.

Vestes omnes oblongas absque plicis ad talos demissas gestant, præcipuè verò albi coloris. Pileos albos apicatos crustatosque ex lana coacta usurpant, in-
quis

quibus est nobilitatis insigne, quò enim porrectiori ac elatiori utuntur pileo, eò splendidiore vulgo habentur. Ocreis omnes ferè rubeis, ijsque brevioribus, ut quæ genua non attingant, utuntur, quarum soleas in digitis paululū erectas claviculis ferreis muniunt: indulia variis coloribus sericeis circa collum exornata, apud nobiliores auro intertexta in usu sunt, eaq; monilibus gemmis, seu globulis argenteis aut cupreis deauratis constringunt. Cruces argenteas vel aureas gemmis distinctas præstantiores, vulgus ferreas vel etjā cupreas pro sacramento quodam collo appensas habet. Omnes autem & singuli suæ conditioni vestibus convenientibus ex præscripto mandatoque Principis utuntur, nam tenuioris fortunæ vulgarisque familiæ hominibus vestes preciosiores elegantioresque gravi sub pœna interduntur. Si autem aliquem obscurioris familiæ eleganter vestitum conspiciunt, proditorem perfidumque eum appellant, ac suspicionis ei notam innotant. Alius itaque habitus minorum gentium Nobilibus, alius magnatibus & consiliariis, alius civibus & colonis præscriptus est, secundum uniuscujusque conditionem ac rei familiaris modum & amplitudinē.

Victus gentis præsertim opulentiorum utcunque lautus, non tamen opiparus, licet omnia cibaria ex quo veneant precio. Majoris & minoris pecoris ma-

Victus
actio.

L

gna

gna est copia, & occisæ mediâ hyeme juvenæ, concretis gelu carnibus, duorum ferè mensium spacio nō putrescunt. Gallinæ etiam & anates singulis sæpè argenteolis numis veneunt, obsonia nobiliora aucupio & venatione parantur, piscium etiam optimorum ac sapidisimorum haud mediocris abundantia. Tenuioris fortunæ hominum victus satis parvus, etiam Nobilium pauperiorum, qui turpe non ducunt cortices seu putamina fructuū, præsertim melonum, alij, ac ceparum abjecta humo tollere, ac devorare. Potus ipsorum communis cerevisia est, ex tritico, vel hordeo, atque lupulo cocta. Medo item seu mullum ex melle aquato coctoq; conficitur. Quem potum utrumq; per æstatem in frigidare, infusâ poculis glacie, voluptatis gratiâ consueverūt, nam ingentia glaciei frusta in cellis subterraneis Nobiliū singulari studio reconduntur. Sunt & qui in deliciis habeant succum ex subausteris cerasis expressum, saporis gratissimi. Vinis advectitijs in festis convivii tantum & sacrificiis utuntur. Ante alia Creticum subdulce maximè in precio est, sed in medicinæ usū duntaxat, vel principalis luxuriæ ostentationem. Vini cremati etiam apud eos usus frequens est, quod cum ad frigus depellendum, tum ad ebrietatem ferè bibunt.

De educatione, exercitiis, moribus, ac forma corporis.

Iuventutis educatio ferè nulla, paucæ enim ibi scho- ^{Educatio}la, pauca gymnasia, & in quibus Nobiliū pueri lingvâ frequenter nativâ, vel maximè sacris instituuntur. Pauci sunt, qui lingvis operam dant peregrinis, præter Græcam, cui incūbunt ob Patrum monumēta, omnis umq; eorum gratiâ, quæ à Græcis derivata, ad eorum religionem, vel mores accommodari queunt. Pueri & adolescentes festis diebus in loco quodam amplo, unde videri exaudiriq; à pluribus queant, conveniunt. Quibusdam autem sibilis, ceu signo dato convocantur, convocati ilicò concurrunt, manusq; conserrunt. Certamen pugnis ineunt, mox pedibus promiscuè ^{Certamina & lusus.} ac magno impetu faciem, guttur, pectus, ventrem, verenda contundunt: aut quacunque ratione possunt, alios alij inter se de victoria concertantes prosternūt, adeò ut sæpe inde exanimati asportentur. Cæterum quicumque plures vincit, diutius in arena durat, fortiterque verbera tolerat, is præ cæteris laudatur, victorque celebris habetur. Hoc verò certaminis genus ideò institutum est, ut adolescentes verbera, & ictus quoscunque perferre advescant. Mores gentis

Mores.

gentis tales sunt, ut illi Principem summè venerentur, fideliterque diligant: alioqui frigus, inedia, atque omnis generis asperitatem, adversæque fortunæ rigorem ferunt, imò ad mortem oppetendam etiam paratissimi sūt. Libido tamē ac lascivia in eis vituperatur maxima, propter quam impuberes quoque matrimonia contrahentes, nihilominus tamen pæderastian exercent. Non aperti, non ingenui, non simplices, sed versuti potius, astuti, & fallaces. Ad iram tardi, in paupertate superbi. Faciles atque tractabiles, si asperè tractentur, vel etiam verberibus accipiantur, gratiæ & amoris signū haud vulgaris habentes, idque non solum apud inferioris conditionis homines fit, sed etiam primariæ notæ Nobiles atque Consiliarios. Principi suo ac magistratibus obediunt, etiam in iis causis, quæ vel vitæ detrimentum periculumque adferre videntur. Staturâ sunt mediocri, at quadratâ & torosâ, brachiis lacertisque plurimum valentes, totoque corpore adeò robusti, ut cum ursis absque ullo amorum genere, solis viribus confisi, sæpius congregi ausint, ursumque per aures arreptum tam diu fatigant, donec prorsus lassum prosternant. Color corporis candidus, capillus flavus, vel magis albicans, oculi cæsi, barba prolixa, crura brevia, ac ventres extenti.

Forma corporis

CAPUT

CAPUT X.

De peregrinatione atq; conviviis.

Peregrinationes in loca externa suscipere nullas solent, nisi quos Princeps in legationem mittit, qui ^{Peregrinatio.} bus tamen custodes apponuntur: quorum est præstò adesse semper, & ne legati quid liberius cum externis colloquantur, aut commercia agitent, observare. Proinde non satis probe perspectis aut cognitis cultiorum hominum moribus, ipsi in sua barbarie, & innatâ illâ ac servili simplicitate permanent, nec animum ad ingeniorum culturam adhibent, neque ad libertatis aliquam cupiditatem adspirant, sed præsentī statu servitutis reque delectantur. Quam etiam alia confirmant, ut amor consanguineorum aut propinquorum, ac metus, ne illis à Principe adversi quid eveniat. Nam si quos officiis præficit, ut exercitibus, præsidis, præfecturis, obfidum loco conjuges, liberos, cognatos eorum, & quæcunque illis novit esse charissima, penès se semper retinet: in quos dein omnia exquisitorum suppliciorum edit exempla, si quid illi deliquerint, aut nonnunquā per imprudentiam malè, nec ad ejus voluntatem rem gesserint, aut si qui ab eo desciverint.

Convivia rariùs celebrant, præsertim vulgus, in ^{Convivia.} ebriari enim ipsis sub pœna prohibitum est, exceptis certis

certis in anno diebus, utputa Natalitiis, Paschatos, Pentecostes, & alijs quibusdā divorum festis solenni-
bus, quibus potare illis licet. Nobilibus & Consilia-
riis concessum est mulsum cerevisiamque bibere, qui
commessionibus nonnūquam solidum comburunt
diem. In computationibus alter alteri præbrens, pri-
mò salutem Principi, omnia fausta & felicia (nomine
proprio eum appellans, titulosque regionum enume-
rans) exoptat, idem ante & post prandium omnes ac
singuli precantur.

CAPUT XI.

De Nobilibus, servis, colonis, & Operariis.

Nobiles
in Mo-
scovia
quales.

Nobiles cum aliis insignibus à plebe distinguuntur,
tum quòd patris nomen titulis aliis ad exemplum
Principis soli præscribant. Magnificum hoc apud il-
los, eoque ad æquales aut inferiores solùm utuntur.
Ad Principem non modò patris nomine usurpando
abstinent, sed ne suum quidem, nisi proprià linguæ
ejus enunciatione quodammodo corruptum, quo non
solùm servos ejus, sed quasi homunciones, non homi-
nes cum illo comparatos, se significant, apponunt. Cæ-
terùm hæc gens servitute magis, quàm libertate gau-
det: omnes enim passim magnates, nobiles, præfe-
cti, &

Eorum
servitus.

cti, & consiliarii gravissimā à Principe premuntur ser-
vitude, seque vilissimos ejus servos fatentur, ac bona o-
mnia mobilia atq; immobilia, quæ possident, nō sua,
sed Principis esse dicūt. Quamvis autē omnes juxta du-
rā serviant servitutē, superbi tamē sunt in hac servitute
ac paupertate sua, adeò ut ignotis ac pauperioribus et-
iam ad minorū gentium Nobiles difficilis sit aditus,
qui velleo nomine in publicum minùs sæpe prodeunt,
quò majorem auctoritatem suique observantiam reti-
neant. Nullus præterea Nobilis, qui paulò conditio-
nis lautioris est, ad quartam vel quintam domum pe-
des progreditur, nisi equus subsequatur. Hyemis tem-
pore, cum equis soleis carentibus propter glaciem abs-
que periculo uti non possint: aut quando regiam, aut
divorum templa fortè ingrediuntur, tum eqvos domi
relinquunt. Ac licet Nobilis pauper fuerit, ignominio-
sum tamen putat laborare. Hoc tamen laudabile in-
primis in hac gente, quòd Principi suo sint obsequen-
tissimi. Quando enim aliquem magni nominis vi-
rum ad bellū proficisci jubet, mandatum illi lites
ris consignatum mittit. Si autem vel prandens, vel
cœnans, vel dormiens offensus à tabulatione Principis,
litteras, quibus in militiam ire jubetur, acceperit, con-
tinuò à mensa lectove surgens, equum ipso inspi-
ciente

ciente armatus ascendit, mandatumque Principis se executurum ostendit. Atque sic omnes, qui per rei familiaris facultates possunt, propriis militant sumptibus.

Servi.

Servi Magnatibus ac Nobilibus majori ex parte empti aut capti sunt, quos autem liberos in servitio nutriunt, ijs non est integrum quolibet tempore discedere. Si aliquis contra Domini sui voluntatem abit, nemo eum famulatio dignatur: si dominus bonum ac commodum famulum non bene habet, quodammodo apud alios eo nomine male audit, neque posthac alios famulos facile nancisci potest. Morituri vero ut plurimum certos servos manu mittunt: qui se tamen continuo aliis dominis, pecuniâ acceptâ, in servitutem vendicant. Si pater filium, ut mos est, vendit, & is quoscunque tandem modo liber factus, aut emancipatus fuerit, pater hunc rursus atque iterum jure patriæ potestatis vendere potest. Post quartam autem venditionem nil juris amplius in filium habet. Ultimâ poenâ solus Princeps servos atque alios afficere potest.

Ius patris in filium.

Colonorum etiam sive agrestium fortuna atque conditio hand melior est, illis enim dies privato labori conceditur. Habent aliquot privatos, & à dominis suis attributos agros prataque, ex quibus vivunt: reliqua omnia sunt dominorum. Sunt præterea iniquioris conditionis, quod illorum bona præda Nobilium

lium atque militum exposita sunt: à quibus etiam per ignominiam Christiani, aut nigri homunciones vocantur. Conductitio qui vivunt labore, & operam vendunt suam, mercedem unius diei referunt dengam cum dimidia: opifex duas. Est autem Denga numus unus grossi Polonici æstimatione. Neque hi strenue laborant, nisi bene baculati. Credunt enim, se Dominis suis displicere, signumque esse indignationis, si non plagis excipiantur.

Operarii

CAPUT XII.

De Moscorum religione.

Religionem Christianam à sancto Andrea Apostolo Moscos accepisse annales ipsorum loquuntur, quem ex Græcia per Pontum Euxinum ad Borysthenis ostia appulisse, enavigatisque Ponti Euxini undis Kiovia pervenisse, ac genti numinis colendi rationem primum ostendisse: ex Kiovia tandem ad Borysthenis fontes devenisse, indeque per Oceanum Romam navigando rediisse ferunt. Hanc itaque se in hunc usque diem sequi gloriantur. De qua nonnulla strictim dicenda: ac primum de Missa, cujus sacrificium more Græcorum pane fermentato, & non azymo peragunt: catholici item tantum aquæ, quantum vini rubei miscent, quam etiam aquam esse volunt calidam, quod ex late-

Religio.

Missa.

M

re

Communi-
cio.

re. Servatoris nostri non sinè mysterio profluxerit sanguis & aqua, quam fuisse calidam credere pium existimant, alioquin enim miraculū vix censi posse. Communicant autem sub utraq; specie, miscentes panē vino, seu corpus sanguine, tumitque sacerdos cochleari ex calice portiunculā, porrigitq; communicanti. Porro quotiescunq; aliquis in anno voluerit, modo confessus fuerit, corpus Domini sumere potest, alioqui tēpus ad Paschatis constitutum, habent. Pueris septem annorum administrant sacramentum, eam enim ætatem ut apt. m. ad discernendū inter bonum & malum rectū & pravum, lepram & non lepram: sic ad peccandū facile pronā esse autumant. Si puer infirmus fuerit aut fortē animā agere cœperit, ut de pane sumere non queat, infunditur ei gutta vini consecrati ex calice: Sacramentum id communicandum, nō nisi dum sacrum sit, pro infirmis autē die Iovis in majori hebdomada consecratur, ac per integrum servitur annū. Verum quū fuerit necesse, accipitur inde portiuncula, quæ vino intingitur, ac benè humectata præbetur aegrotō, dein aquæ tepidæ modicum additur. Baptismi sacramento hunc in modū utuntur: Nato infante, mox accessitus sacerdos ante habitationis januā, in qua puerpera est, certas stando recitat orationes, infantiq; nomē imponit. Post quadragesimo communiter die, si fortē infans malè habeat, defertur in templū, ac sacro fonte

Bapti-
smus.

abluitur, terq; in aquam totus immergitur: alioquin baptisatum non crederent. Mox inungitur chrismate hebdomadā magno initiato, tandē & myrrhā. Aqua verò baptismatis singulis sacratur infantib; ac continuo post baptismū extra templi portā effunditur. Semper verò infantes in templo baptisantur, nisi lōginitas loci nimia, aut frigus infanti oblit, neque unquam aqua tepidā, nisi pro infirmis utuntur. Sal, nec saliva cū pulvere mixta ab illis adhibentur. Susceptores sive baptismi testes ex parentū voluntate assumuntur, ac quoties circa baptismum, præeunte certis verbis sacerdote, Diabolo renunciant, toties in terrā expiunt. Sacerdos etiā infanti capillos abscindit, eosq; ceræ intricatos in templo certo deponit loco. Confirmationē baptismi vanā esse putant, eo quòd in omnib; synodis, præcipuè verò Nicenā, dictum est, confiteor unum baptismum in remissionē peccatorum. Quum verò unum sit baptismum, unum etiam chrisma esse, eandemque virtutem sacerdotis ac Episcopi circa sacramenta distribuenda asserunt. Confessionem quamvis ex constitutione habeant, vulgus tamen eam Principum opus esse, ac præcipuè ad magnates atque nobiles pertinere existimat. Confitentur circa tempus Paschale magna cum cordis contritione: quibus poenitentia juxta delicti quantitatem qualitatemve irrogatur, aliis jej-

Confir-
matio
baptis-Confes-
sio.

jejunia, nonnullis breves preces quædam injunguntur (Dominicam enim orationem pauci norunt, pauciores symbolum Apostolicum, paucissimi decalogum, namq; rem tam arcanam ac sacram in vulgus enunciari non oportere, decalogum autem Christi sanguine antiquatum esse tradunt). Quosdam, qui gravitus aliquid patrâint, sacrâ abluunt aquâ, quam Epiphaniarum die ex profluente hauriunt, eam integrum per annum consecratam in templo pro peccatis gravioribus abluendis asservant. Peccatum insuper die Sabbathi commissum levius ducunt, minusque poenitentiae pro eo imponunt. Sunt complures & levissimæ causæ, ob quas in templum nō admittuntur, solent tamen exclusi plerunque portis ac fenestris templi adstare, atque inde non minùs videre audireque sicra, ac si in templo fuissent. Purgatorium omnino negant, dicunt enim, unicuiq; vitâ functo secundùm meritum suum locum esse, piis quidem lucidum, & amœnum cum angelis placidis: impiis autem obscurum, cæcaque caligine obductum, cum angelis terribilibus destinatum esse, in quo extremum expectant judicium: quo quidem nil clarius, nil illustrius, nil probis hominibus optatius, nil improbis horribilius futurum opinantur. In articulo de Spiritu sancto, tertiam Divinitatis persona, à nostris Ecclesiis sic dissentiunt,

Purgatorium.

Extremū
judicium

De Spiritu
s.

unt, ut eum à solo patre per filium procedere, perinde atque Græci, asserant. Festos dies viri præstantiores ^{Festa,} cris peractis cultu corporis, epulis, atque ebrietate colunt. Vulgus plerumque laborat, feriari enim, & à labore abstinere dominorum esse præ se ferunt. Cives & mechanici sacris interfunt, quibus finitis, ad laborē redeunt, sanctius putantes, labori incumbere, quàm bibendo, ludendo, ac id generis rebus aliis substantiam atque tempus inaniter perdere. Festum S. Trinitatis celebrant Pentecostes feriâ secundâ, octavâ verò festum omnium Sanctorum. Festa quoque beatæ Virginis jejunis indictis, orationibus, missis tum lectis, tum decantatis, communi Ecclesiæ Græcorū ritu, colunt. Ex sanctis Nicolaum imprimis venerantur, templaq; præcipua nomini ejus dicata erigunt, ac de ejus ^{Sancti.} miraculis plurimùm quotidie prædicant. Divæ etiam Virginis magna apud illos reverentia est, crebris quidem orationibus veluti Christi mater pro intercessionē apud filium rogatur. Habent & in catalogo certos quosdā Pontifices Romanos, quos inter Sanctos referunt. Cæteros verò, qui post eorum schisma fuerunt, execrantur, tanquam eos, qui ab Apostolorum, Patrū, ac septem conciliorum ordinationibus defecerunt, ac tanquam hæreticos & schismaticos nuncupant. Persuasum enim habent, septimo generali concilio, quod

sub Adriano Pontifice celebratum est, decisum esse, ut ea, quæ in præcedentibus constituta atque determinata erant synodis, in posterum quoq; firma, rata, ac perpetua tenerentur: nec unquam posthac cuiquam licere aliud concilium aut indicere, aut accedere, sub anathematis poena. Signo crucis quoties se signât, id manu dextrâ sic faciunt, ut frontem primû, dein pectus, mox dextram, ac demum sinistrâ pectoris partem punctim in crucis formâ tangant. Quod si quis aliter manû ducat, eum nō pro domestico fidei, sed pro alieno habent. Ieiunia illis solemnia singulis annis quaterna sunt. Primum in quadragesima-septima totis septimanis: quarum primâ lacticiniis vivunt, quam serna sive maslina appellant, hoc est, butyraceâ live caseaceam. Sequentibus verò septimanis omnes præter peregrinantes, etiâ piscibus abstinent, oleribus, cauliculis, raphano, fungisq; contenti. Sunt qui diebus Dominicis ac Sabbatho cibum sumunt, reliquis diebus, nisi frustulo panis in meridie resecti, ab omni cibo abstinent. Reperiuntur etiâ nonnulli, qui diebus Lunæ, Mercurij, ac Veneris panis frusto cum aqua sumpto acquiescunt. Reliqua per annum jejunia non ad eò exactè tenent. Jejunant autem post octavam Pentecostes, usq; ad terias Petri & Pauli Apostolorum, diciturque jejunium D. Petri. Deinde habent jejunium D. Mariæ Virginis à calendis Augusti

Ieiunia

Butyracea seu caseacea.

Augusti usque ad assumptionem ejus, quam decimus quintus calendarij adscriptam habet. Denique jejunium Philippi, quod initium ejus jejuniij contingat festum Philippi, juxta eorum fastos. Quod si festum Petri & Pauli, Assumptionis item D. Virginis inciderit in Mercurij aut Veneris diem, tum nec eâ die carnibus vescuntur. Si verò in majori quadragesimæ jejunio aliquis solennis dies inciderit, eo piscibus victitant. Cæterum monachis multò graviora jejunia sūt, quos potu acido, & aquâ fermento mixtâ contentos esse oportet. Sacerdotibus quoq; aqua mulsa ac cerevisia eo tempore sūt prohibita, licet nunc omnes leges statutaque variantur. Porro extra jejunii tempus die Sabbathi carnes edunt, Mercurij verò ijs abstinent. Jejunantes verò ad solis occasum usque nec edere quicquam, nec bibere consueverunt. Sequentibus tamen diebus crapulâ atq; ingurgitatione abstinentiam benè compensant. Decima nō, ut alibi mos est, propter sacerdotes, sed propter pauperes, pupillos, infirmos senes, advenas, captivos, atque pauperes sepeliendos instituta sunt à Volodimiro Principe de omnibus rebus dandæ, juvandos etiam eos, qui numerosam habent sobolē, quibus vè bona igni absumta sunt, ad sublevandam deniq; miserorum omnium inopiam, monasteriorum, pauperumq; ecclesias, & in primis propter defunctorum ac vivorum refrigerium.

CAPUT

De personis ecclesiasticis.

Quantum ad personas ecclesiasticas, unus erat olim totius Russiae Metropoli- tam Moscorum, quam Litvanorum Ducibus tributarius, cuius primum Kioviae, dein Volodimiriae domicilium erat, tandemque sedes in Moscoviae metropolin translata est. Post quā Metropolitae septimo quoque anno Russiam Litvanis subiectam inviserent, exactisque inde numis redirent, Vitoldus M. Litvaniae Dux hoc; ne videlicet provinciae suae argento expilarentur, ferre noluit. Convocatis itaque Episcopis, proprium constituit metropolitam, cui sedes Vilnae addicta erat. Ceterum omnes Russorum Metropolitae suam à Patriarcha Constantinopolitano habent auctoritatem. Eligebatur autem primò omnium Metropoli- tam, convocatis omnibus Archiepiscopis, Episcopis, Abbatibus, ac Prioribus sive praefectis monasteriorum. Inquirebatur vir sanctioris vitae per monasteria atque eremos, eligebaturque. Posthac Principes ad se certos convocare, ex eorumque numero unum suo iudicio deligere solebant. Sunt & duo Archiepiscopi, Novogrodensis & Rostoviensis. Episcopi sunt: Tuerensis, Resanensis, Smolenscensis, Plescoviensis, Permiae, Susdaliae, Columnae, Czernihoviae.

Metropo-
lita.Archiepi-
scopi.

Episcopi

viae

viae. Hi quidem omnes Metropolitae Moscovitico subiecti sunt. Habent autem Episcopi proventus ex praediis certos, & aliis extraordinariis, ut vocant, accidentibus. Abbates tantum duo sunt. Priores verò monasteriorum plurimi, qui omnes arbitrio ipsius Principis, cui nemo resistere audet, eliguntur. Sacerdotes, quos seculares vocant, ut plurimum consecrantur hi, qui diu apud ecclesias serviunt. In diaconum autem nemo consecratur, nisi conjugatus, unde plerumque & matrimonio copulantur, & in diaconatum simul ordinantur. Uxore defuncta, sacerdos à sacris suspenditur, nisi monasterium ingressus juxta regulam vivat: officiis etiam atque aliis rebus divinis cum ceteris Ecclesiae ministris choro, tanquam minister, interesse potest. Si sacerdos viduus ad nuptias secundas, quod cuique liberum est, transierit, is nil habet cum clero commune. Nullus sacerdotum monachorumve suas horas canonicas recitat, nisi habeat imaginem alicuius divi praesentem: quam etiam nemo nisi veneranter attigit. Qui verò eam in publicum profert, manu in altum tollit, quam omnes praetereuntes, cruceque se se signantes, inclinando plurimum venerantur. Nullus item eorum aut sacra obire, aut baptizare, aut alio quovis fungi munere audet, nisi diacono praesente. Omnes sacerdotes in ecclesiis primum tenent locum,

Abbates,
Priores.Sacerdo-
tes.

N

& sui

& sustentantur plerunque ex contributione quadam certa, assignanturque illis domunculæ cum agris & pratis, unde victum suis aut famulorum manibus acquirunt. Oblationes tenues habent: aliquando ecclesiæ pecunia datur ad usuram, eamq; sacerdoti pendunt, ne suis illum alere sumptibus teneantur. Sunt etiam, qui Principum liberalitate vivunt. Pauca parochiæ reperiuntur, prædiis ac possessionibus dotata, exceptis Episcopatibus, ac quibusdam monasteriis. Nulla parochia seu sacerdotium confertur cuiquam, nisi sacerdoti. Cæterum in singulis templis unicum tantum altare, & in dies singulos unicum quoque sacrum faciendum putant. Rarissimè templum reperitur sine sacerdote, qui ter in hebdomada tantum sacra peragere obstringitur. Habitu haud dissimili à secularibus utuntur, extra pileum parvum ac rotundum, quo rasuram tegunt, pileum amplum contra calorem atque imbrem superimponunt, aut pileo oblongo ex castorum pilis colore griseo teguntur. Comam ad brachia proter sam omnes nutriunt. Baculos, quibus innituntur, cum manubriis incurvatis gestant. Monasteriis præsunt Abbates & Priores, qui leges ac regulas severissimas habent, carnibus perpetuò abstinentes. Sunt non pauci, qui ex monasteriis in eremum se abdunt, ibique tuguriola erigunt, quæ aut soli, aut cum sociis incolunt, victum ex terra & plantis

Habitus
sacerdotum.

Abbatum &
Priorum
regulæ.

quærentes. Metropolitæ, Archiepiscopi, atque Episcopi, quàmvis ipsi carnes nunquam edant, tamen quum hospites conditionis civilis invitant, eo tempore, quo carnibus vesci fas est, hanc habent prærogativam, ut carnes illis in convivio apponant, quod Abbatibus & Prioribus vetitum est. Quoties alicujus monasterii antistes fato concedit, Princeps bona cœnobii invadit, armenta, greges, supellectilem, aurum, argentum rapit: aut is, qui demortuo antistiti succedit, hæc à Principe pecuniâ redimit. Episcopi, quos illi Uladicas vocitant, circa res divinas saltem, ac ipsam religionem promovendam sunt occupati: rem verò familiaræ, aliaq; negotia publicæ officialibus administranda committunt. Horum vestes quotidianæ sunt, ut & aliorum monachorum, nisi quod aliquando sericeas habeant, & præsertim pallium nigrum, quod habet à pectore in utramq; partem tres fimbrias albas, inflexas instar rivuli fluentis, quibus ex corde ac ore illorum rivulos veræ fidei & bonorum exemplorum fluere innuunt. Pro insignibus tanti hujus muneris baculis in modum crucis, Posoch dictis, utuntur. Episcopus Novogrodenensis album gestat pallium. Mitris rotundis ac nigris insigniuntur Archiepiscopi atque Abbates, præter Episcopum Novogrodensem, qui albâ bicornem fert. Doctores, quos sequuntur, sunt: Basilii Magnus, Gre-

Episcopo-
rum
munus.

Vestes.

Doctores
res ec-
clesiæ.

Gregorius Nazianzenus, & Joannes Chrysostomus, quem illi Zlatousty, hoc est, aureum os habentem appellant. Gregorii etiam Pontificis Rom. libros de moralibus scriptos habent. Hi omnes ut & sacer codex in linguam Slavonicam translati sunt, religioseque custodiuntur. Libros Evangelii non nisi in locis honestis, tanquam rem sacram reponunt, neq; manibus tangunt, nisi prius cruce se munierint, & capite nudato inclinatioq; honorem illis exhibuerint. Post summa cum veneratione in manus sumunt. Concionatoribus destituantur, sufficere enim putant, sacris interfuisse, ac Evangelii, Epistolarum, aliorumque Doctorum verba, quæ linguâ vernaculâ recitat sacrificus, audisse: ad hoc, quod varias opiniones ac hæreses, quæ ex concionibus plerumque oriuntur, sese effugere credunt, festos dies proximæ septimanæ die Dominico annunciant, publicamque confessionem recitant. Principem porro ipsum quicquid credere & opinari videtur, id rectum, omnibusque sequendum statuunt. Monachis præsertim ordinis S. Benedicti per omnem vitam esus carniū interdictus est. Alimenta illis sunt salsamenta atque lacticia. Nec ex religionis instituto recentes pisces edunt, quaternis tamen illis jejuniis ne piscibus quidem victitant, caulibus ac cucumeribus sale conditis illis victus constat: potus his pertenuis ac

Concio.
natoribus

Monach.
Benedicti.

ac dilutus, quotidie in templis divinam rem faciunt. Sacrum officium antelucano adeunt tempore, quod albescente die finitur. Circa nonam diei celebratur Missa. Post hanc prandetur, à prandio sacrum officium repetitur: nec non à cœna. Prudentibus cœnantibusve legitur Evangeliorum interpretatio. Monachi verò Eremitani, quorum potissima cura est in convertendis ad religionem Christianam hominibus, bonam jam olim barbarorum partem, diu multumque apud illos verbum Dei seminantes, ad Christianismum pertraxerunt. Proficiscuntur etiam nunum ad varias regiones Septentrionem atq; Orientem versus, quod maximis laboribus, ac vitæ periculo perveniunt, nil inde commodi sperantes, at hoc unicum spectantes, ut animas multorum devio errore abductas in viam revocare rectam, ac Christo eas lucrifacere queant. Jurisdictioni Ecclesiasticæ subiacent omnes Abbates, presbyteri, diaconi, ac universus clericorum status: uxores item, filiique sacerdotum, medici, vi-duæ, obstetrices, & ii, qui miraculum ab aliquo Sanctorum acceperunt, quive emancipati sunt pro alicujus animæ salute: ministri deniq; singuli monasteriorum ac nosocomiorum. Quicquid itaq; inter prædictas personas simultatis seu discordiæ exoritur, Episcopus ipse tanquam competens iudex decernit ac dijudicat.

Monachi
Eremitæ

Si verò inter laicos & hos aliquid controversiarum existit, iudicio communi decernitur. Quicumque autem sacerdotum contra religionem aut officium sacerdotale quavis ratione fecerit, iudicio ecclesiastico subijcitur. Si verò furti aut ebrietatis accusatur, aut in aliud id genus vitii inciderit, à civili punitur magistratu. Si sacerdos queritur coram iudice politico, se à quopiam læsum esse (offensiones enim omnes atque iniuriæ ad forum civile spectant) tum iudex, si fortè cognoverit, hunc ab illo lacesitum, aut quavis injuriâ prius affectum fuisse, sacerdotem punit. Episcoporum etiam est divortia tam inter Duces & proceres, quàm nobiles atque cæteram multitudinem, qui concubinas alunt, constituere. Ad Episcopalem item jurisdictionem pertinet, si quando uxor marito non obsequatur, si quispiam in adulterio seu fornicatione deprehensus fuerit, si uxorem consanguineam duxerit, si conjunx conjugii quippiam mali machinetur: divinationes item, incantationes, venena, contentiones, propter hæresin vel fornicationem susceptas: aut si filius parentes sororesve acerbè increpaverit læseritve: prætererea venere utentes præposterâ, sacrilegos, mortuorum spoliatores, & qui ad incantandum de imaginibus Sanctorum, aut statua crucis quicquam avulserint: qui canem, avem, aut aliud aliquod

aliquod animal immundum in ædem induxerint, aut comederint, punire.

CAPUT XIV.

De adibus sacris, earumque supellectile.

A Edes sacræ ligneis trabibus contextuntur, ac plerunq; è media æde assurgit turris scandulis tecta. ^{Aedes sacræ.} Foris adduntur ædi porticus. In coemeteriis fabricas ædificant ligneas, in quibus librantur campanæ, nunc singulæ, nunc binæ, nunc ternæ. Organorum ^{Organa.} pneumaticorum, sive mavis Pipinianorum (quæ Pipino primùm à Constantino Græcorum Imperatore missa feruntur) nullus in ecclesiis illorum usus est. Simulachra divorum in templis non admittunt: tabulas tamen eorum imaginibus pictas in sacris adibus frequentes habent; his dona offerunt, his cereos accendunt: has etiam sacro fonte aspergunt, quibus alioqui nullus est honos. In adibus privatis statuas instar penatium colunt. Cœnobiorum non exiguus est numerus, præsertim ordinis S. Benedicti, ^{Cœnobiaz.} quibus magni agrorum sunt redditus, quippe tertiam fundorum partem totius Moscoviæ tenent Monachi. Haud longè à Moscoviæ metropoli abest monasteriû S. Trinitatis amplissimum, ubi trecenti monachi perpetuò ferè sub regula Basilii Magni vivere perhibentur.

In

In quo etiam Sergii Abbatis sepulcrum multis miraculis clarum est. Eò Principes ipsi sæpe, vulgus verò quotannis certo confluit tempore, monasteriique liberalitate alitur. Fertur inibi olla cuprea esse, in qua certi cibi, & ut plurimum olus coquitur, ac, si pauci, si multi eò venerint, semper tamen cibi tantum remanere, quo ejus monasterii familia saturetur: ad eò, ut nil unquam defiat, aut superfluat. Coemeteria pro sepeliendis corporibus nullis ceremoniis dedicant, ajunt enim, corporibus unctis terram ipsam, & non corpora terræ consecrari. Sepulturæ eorum non in templis, sed opulentiorum quidem in septris, ac exterioribus templorum vestibulis fiunt: agrestium verò in agris & silvis, ubi tumulos aggestis lapidibus muniunt, signumque crucis superimponunt. Quibus post Ecclesiæ Romanæ ritibus quadraginta diebus parentatur. Non subticenda hîc ridicula gentis consuetudo: defunctorum cadavera loculis condunt, ac manui cadaveris codicillos induunt, quorum summa est: defunctum fuisse Russum, Russorum fidem amplexum, ac in eadem decessisse. Hæ literæ D. Petro mittuntur, quibus mox (ut ajunt) admittitur, & ut sincerioris fidei sectatori beator quoque sedes, quam Latinis Christianis conceditur: alios enim semichristianos, seu verò sinceros & genuinos esse contendunt.

CAPVT

C A P U T X V.

De ratione contrahendi matrimonii, ac de divortiis.

Matrimonii inter sese contrahendi ratio ejusmodi observatur. Turpe & quasi inhonestum habetur Matrimonii ratio adolescenti, ambire puellam, quò sibi in matrimonium locetur. Patris est juvenem alloqui, ut ducat filiam suam. His autem plerunque verbis adolescentem compellat. cum mihi sit filia, vellem equidem te mihi generum. Ad quæ juvenis: si me, inquit, generum expetis, ac tibi ita videtur, conveniam parentes meos, & de hac re ad eos referam. Dein si parentes ac propinqui assensi fuerint, conveniunt, ac de his, quæ pater filiae dotis nomine dare velit, tractant. Mox dote constitutà nuptiis dies præscribitur. Interea Sponsus à Sponsæ ædibus usque adeò arcetur, ut si fortè postulaverit saltem eam videre, parentes sponsæ respondeant: cognosce ex aliis, qualis sit, qui eam nōrunt. Certè nisi sponsalia prius maximis pœnis firmata fuerint, ita, ut sponsus non possit, etiam si vellet, sine gravi pœna eam repudiare: aliàs non datur illi accessus ad sponsam. Sunt autem dotalia dona plerunque equi, vestis, framea, pecora, servi, & similia. Invitati ad nuptias pecuniam rarò offerunt: munera tamen seu donaria

O

sponsæ

sponsæ mittunt, quæ singula sponsus diligenter notata reponit. Finitis nuptiis, deprompta rursus ordine conspiciat, atque ex iis, si quæ allubescant, & sibi usui futura videntur, ea mittit ad forum, jubetque singula ab his, qui rebus precia imponunt, æstimari: reliqua omnia ac singula singulis remittit cum gratiarum actione. Ea, quæ servavit in anni spacio, juxta æstimationem pecuniâ aut alia re ejusdem valoris compensat. Tota enim hæc munerum mittendorum ratio ad juvandam rem familiarem novorum conjugum introducta est. Porro si aliquis donum suum pluris fecerit, tum sponsus ad juratos æstimatores continuè recurrit, illumque horum æstimationi standum esse cogit. Quod si sponsus post annum elapsum non satisfecerit, aut munus acceptum non restituerit, tum in duplum tenetur. Denique, si alicujus donum juratis æstimandum dare neglexerit, ex voluntate atque arbitrio ejus, qui dedit, refundere obstringitur. Atque hunc morem vulgus ipsum in omni liberalitate seu donationis genere usurpare solet.

Ritus in
templo
sponsa-
les.

Ritus sponsales in templo publicè hi obiri solent. Mensa in primis in medio templi adornatur, ingreditibusque templum sacerdos præcedens certas recitat orationes, dein pro Patriarcha, Metropolitana, Episcopis, ac toto clero, proque Principe suo, & omni ordine

ordine tam equestri, quam plebejo, qui ritus suæ fidei sequuntur, sigillatim sacerdos cum diacono clarâ voce precantur. His transactis, sponsus & sponsa mensam præparatam accedunt, in linteoque secundum consuetudinem pedibus substrato uterque stat. Postea sacerdos ex præscripto, an alicui olim non sponderint, interrogat, stolæque manus utriusque annulos commutans colligat. Deinde coronas ligneas, vel ex tiliæ libro pictas, ad id muneris in ecclesia reservatas, capiti utriusque imponit, dicens: *posuisti Domine coronam super caput ejus de lapide precioso, &c* Evangeliumque de nuptiis Canæ Galilææ celebratis recitat. Dehinc panem & cerevisiam consecratam desponsatis ad prægustandum porrigit, postea stolam (quâ sacerdotes collo appensâ utuntur) sponsus & sponsa ab una, & sacerdos ab altera parte tenent, sacerdotemque præeuntem sequuntur, hæc verba dicentem: *circumite populi Sion, ac date gloriam nomini Dei altissimi*, terque mensâ circumeuntes loca sua occupant, & sacerdos psalmum quinquagesimum primum recitat. Quo absoluto, è templo egrediuntur. Cæterum matrimonium ita contrahitur, ut quartum consanguinitatis aut affinitatis gradum non attingant. Hæreticum putant, germanos fratres germanas ducere sorores. Nemo etiam affinis sui sororem in uxorem ducere audet. Severissimè

O, 2. m. n. l. s. s. obfer-

observant, ne hi matrimonio implicentur, inter quos spiritualis baptismatis cognitio intercedit. Si quis alteram ducit uxorem, fitq; bigamus, conceditur id quidem, sed vix legitimum matrimonium esse putatur. Tertiam uxorem ducere sine gravi causa non licet. Quartam verò nec permittunt cuipiam, nec etiam Christianum esse judicant.

Divortia

Divortium admittunt, dantque libellum repudi: id tamen maximè celant, quod contra religionem, ac statuta esse nòrunt. Pro adulterio non censent, si uxoratus cum soluta libidinatus fuerit, uxore alterius excepta. Tepidus ut plurimum conjugatorum amor, præsertim principum ac nobilium virorum, eò quòd puellas nunquam antè visas ducunt, ac servitiis Principis occupati, eas deferunt, alienà interim turpique libidine sese polluentes. Divortia inter se frequenter vulgant, Episcopis indulgentibus, literasque repudi communiçantibus. Olim etiam agrestes, quibus ad Episcopos propter longam itineris distantiam aditus difficilis erat, divortium (more gentili antiquitus observato) sic peragebant: cum inter virum atq; uxorem lites exortæ essent, extra pagum in trivium ambo prodire solebant, mantili accepto, quod inter se manibus utrinque tenendo per medium discindebant, hocq; inter se divisò, matrimonium etiam divisum esse arbitrabantur.

CAPVT

C A P U T X V I.

De mulierum Moscovitarum conditione.

Mulierum conditio misera est, non enim eo sunt honore apud eos, quo apud cæteras gentes, propè enim ancillarum loco habentur. <sup>Mul. e-
iæ con-
ditio.</sup> Nulla honesta creditur, nisi domi conclusa vivat, adeoque custodiatur, ut nusquam prodeat. Parum pudicam existimant, si ab alienis exterisve conspiciatur. Domi autem occlusæ nent, aut pensæ trahunt: nil prorsus juris, aut negotii in ædibus habent, omnes enim labores domestici servorum operâ fiunt. Non verberatæ à maritis conqueruntur, nullam se apud maritos habere gratiam, verbera enim signum amoris putant. Quicquid mulierum manibus suffocatur, sive gallina, sive aliud aliq; quod animalium, abhorrent tanquam impurum. Pauperiorum uxores domesticos labores obeunt. Cæterum quum viris & servis absentibus gallinas jugulare volunt, stant pro foribus, tenentes gallinam & cultrum. prætereuntesq; viros, ut ipsi eas mactent, plurimum rogant. In templa rarissimè, rariùs etiam ad amicorum colloquia, nisi effætæ jam sint, omnique suspitione careant, admittuntur. Certis tamen ac festis diebus animi gratiâ concedunt uxoribus ac filiabus, ut in pratis convenient amænis, ibique cuidam rotæ

O 3

instar

instar Fortunæ insidentes, alternatim sursum ac deorsum moventur: aut alioqui funem in mediis circuli modum duobus stipitibus appendunt, cui insidentes ac suspensæ, hinc inde impullæ feruntur, moventurq; aut denique quibusdam ac certis cantilenis, manibus, pedibusque plaudentes, capitibusque sæpenumero moventes se oblectant, vel manibus invicem se tenentes, ac simili modo canentes in gyrum ducunt. Hac autem consuetudo præcipue circa festum Petri & Pauli Apostolorum aliquot hebdomadis ab omnibus Moscis atque Russis promiscue frequentatur.

CAPUT XVII.

De moneta & numerandi ratione.

Monetam argenteam Mosci quadruplicem habent: Moscoviticam, Novogardensem, Tuerensem, ac Plefcoviensem. Moscoviticus numus oblonga & ovali quodammodo formâ (Denga dictus) diversas habet imagines. Antiqua in una rosæ, posterior hominis equo insidentis, draconemq; hastâ ferientis imaginem: in altera parte utraque scripturam habet. Horum autem hoc tempore septuaginta representant aureum Ungaricum unum. Tuerensis utriusque scripturam habet, & valore æquiparatur Moscovitico. Novogardensis in una parte Principis in solio sedentis

dentis, hominisque ex adverso sese inclinantis imaginem, in altera scripturam habet, atque Moscoviticum valore in duplo superat. Plefcoviensis caput bovis in una parte coronatum, in altera verò scripturam habet. Est præterea cuprea sive ærea moneta, quæ tantum usus pauperum destinatur, & Pula vulgò vocatur: horum quadraginta Denga Moscoviticam constituunt. Aureos non habent, nec eudunt ipsi; sed Ungaricis ferè, interdum etiam Rhenanis utuntur, preciumque eorum sæpè mutant, præsertim cum alienigena auro aliquid sit empturus, tum continuo ejus precium minuunt. Si verò aliquò profecturus auro indigeat, ejus tum rursus precium augent. Constat autem omnis moneta Moscorum ex puro argento, quamvis ea quoque nunc adulteretur: omnes ferè aurifabri Moscoviæ numos eudunt: & si quis massas argenteas puras numosque cupit, nummi & argentum appenduntur, atque æquâ lance librantur: mercedem laboris exiguam aurifabri (parvo alioqui operâ suam æstimantes) reportant. Porro universa Moscovia nullum habet argentum, nisi importatū: nec Princeps usque adeò efferre vetat, sed cavet verius, atque ita permutationem rerum facere, & alia, ut pelles, quibus abundat, aut quid aliud ejusmodi pro aliis rebus dare recipereque suos jubet, quò argentum & aurum in ditione sua retineat. Vix a. à sesquicentum

tum annis monetâ utuntur argenteâ, præsertim apud illos signatâ. Initio cum argentum in Moscoviam inferretur, fundebantur portiunculae oblongae argenteae sine imagine & scriptura, pondere unius rubli, quarum nulla nunc apparet. Cudebatur etiam moneta in Galicziensi Principatu, ea autem, quum æqvabili careret valore, in usum esse desit. Porro ante monetam proboscide & auriculis aspreolorum, aliorumque animalium, quorum pelles ad nos efferuntur, utebantur, iisque vitæ necessariae ceu pecuniâ emebant.

Numerandi ratio.

Numerandi ratio apud eos talis est, ut res quascunque per sorock aut devvenosto, hoc est, aut quadragesimo, aut nonagesimo numero numerent, dividantque. Numerantes itaque subinde repetunt, multiplicantque; bis sorock, ter sorock, quater sorock: aut bis, ter, quater devvenosto. Mille gentili lingua Tis sucze, item decem millia una dictione Tma: viginti millia dvve tma, triginta millia, tri tma exprimunt.

C A P U T X I I X.

De mercibus, vectigali, & usura.

Merces.

Merces exoticas si quis in Moscoviam attulerit, eas continuo apud telonii præfectos profiteri, ac indicare cogitur, quas hi statâ horâ conspiciunt, aestimantque, aestimatas verò nemo nec vendere, nec emere

mere audet, nisi prius Principi fuerint exhibitæ. Porro Princeps si quicquam emere voluerit, tum nec mercatori interim rebus suis precium statuere, nec cuiquam licitari fas est. Quo fit, ut mercatores interdum diutius suo cum damno detineantur. Neque enim cuivis mercatori præter Litvanos, Polonos, aut illorum imperio subiectos Moscoviam venire licet. Nam Svecis, Livonibus, & Germanis ex maritimis civitatibus Novogardiae duntaxat: Turcis verò ac Tartaris Chlopigrodi, quò nundinarum tempore diversi ex remotis locis homines confluunt, mercaturam exercendi facultas datur. Quando verò legati & oratores in Moscoviam proficiscuntur, tum omnes undecunque mercatores in illorum fidem ac protectionem suscepti, Moscoviam & liberè, & sine portoriis ire redire possunt. Major mercium pars sunt massæ argenteæ, panni omnis generis ac coloris, sericum, panni sericei, & auro argentoque intertexti, gemma, uniones, aurum filatum, insuper piper, crocus, zinziber, & cætera: interdum viles etiam quasdam res suo tempore illuc portant, ex quibus non parùm lucri referunt. Sæpe etiam accidit, ut rei alicujus desiderio omnes teneantur: quam qui primus attulerit, plus justo lucratur. Deinde cum plures mercatores earundem rerum magnam advexerint copiam, tanta nonnunquam vilitas earum

P

con-

consequitur, ut is, qui res suas primùm magno vendiderat, easdem rursus vilescēte precio redimat, magnoque suo commodō in patriam reducat. Merces verò, quæ inde asportantur, sūt pelles variorum animalium, & cera. In Lithuaniam & Turciam corium, pelles, & albi longi dentes animalium, quæ ipsi Mors vocant, in mari Septentrionali degentium, ex quibus manubria pugionum Turcæ conficere solent: in Tartariam verò sellæ eqvorum, frena, vestes, corium: arma autem & ferrum non nisi furtim, aut ex singulari præfectorum permisso exportantur ad alia loca, intra Orientem ac Septentrionem. Panneas tamen & lineas vestes, cultellos, secures, acus, specula, marsupia, aut quid aliud ejusmodi, quocunque libuerit, vehunt. Fallacissimè ac dolosissimè mercantur, quin, dum precium afferunt, ac rem minoris dimidio precio in fraudē venditoris licentur: mercatores nonnunquam non uno tantum, aut altero mense suspensos ac incertos detinent, sed ad extremā desperationem quosdam perducunt. Cæterum, cui mores illorū perspecti sūt, ac dolosis verbis, quibus rei precium imminuunt, tempusq; extrahunt, non movetur, aut dissimulat: is res suas sine aliquo dispendio vendit. Extraneis autem singulas res carius vendunt, ita ut, quæ uno aureo floreno seu ducato Ungarico alioqui emunt, ea quinque, octo, decem,

decem, viginti interdū indicent: tamen ipsi vicissim aliquando rem rarā ab exteris decem, aut quindecim florenis mercentur, quæ vix unum aut alterum valet florenum. Porro contrahendis rebus, si quid fortè dixeris, aut imprudentiùs promiseris, eorū diligenter meminere, præstandaq; urgent: ipsi verò, si quid vicissim promiserint, minus implent. Quamprimùm item jurare incipiunt, aut obtestari, ilico dolū subesse scias, animo enim fallendi ac decipiendi jurant. Pelliū magna est diversitas. Zobellinarum enim nigredo, longitudo, ac densitas pilorum maturitatē arguunt: adhuc, si congruo tempore, quod in pellibus aliis pariter observatur, capiantur, precium augent. Martium sive marturinæ pelles ex diversis partibus, ex Severa bonæ, ex Svecia meliores advehuntur. Hermelinorum pelles ex pluribus pariter locis inversæ adferuntur, quibus tamen emptoribus plerisq; imponitur. Habent signa quædam circa caput & caudā, ex quibus cognoscuntur, an convenienti tempore sūt captæ. Nam simulac ubi hoc animal captum fuerit, excoriatur, pellisque invertitur, ne attritis pilis deterior fiat. Si quod non suo tempore captum fuerit, pellisque idè bono ac nativo colore careat, tum ex capite & cauda certos pilos tanquam signa, ne incongruo tempore captum agnoscat, evellunt, atque ita emptores deci-

Pelles
diversæ

piunt. Vulpinae, & praesertim nigrae, ex quibus plerumque capitis tegumenta conficere solent, plurimi fiunt. Aspreolorum pelliculae ex diversis quoque partibus afferuntur. Lynceum pelles parvi, luporum verò ab eo tempore, quo in Germania in precio esse coeperunt, plurimi fiunt, eorumque terga longè in minore, quàm alibi, sunt pretio. Castorum pelles apud illos pretiosae sunt, omnesque juxta ex his, quod nigro eoque naturali sint colore, vestium fimbrias habent. Pellibus domesticorum catorum feminae vestiuntur. Est quoddam animal, quod Pessecz appellant: hujus pelle, quod plurimùm caloris corpori adfert, in itineribus utuntur.

Vestigal Vestigal seu portorium omnium mercium, quae vel importantur, vel exportantur, in fiscum refertur. De qualibet re, aestimatione unius rubli, numerantur denariae septem, extra ceram, de qua non solum juxta aestimationem, sed pondus quoque, vestigal exigitur. De quolibet autem pondere quatuor denariae solvuntur.

usura. Usura iis communis est, quam licet infamem, imò & grande peccatum esse praeseferant, ab ea tamen nemo ferè abstinere. Est autem quodammodo intolerabilis, quum nimirum de singulis quinarius unus, de centum viginti pendantur. Ecclesiae mitius videntur agere, quae decem à centum recipiant.

CAPUT

CAPUT XIX.

De Reipublica forma.

Forma Reipublicae apud Moscos merè est tyrannis, quia Princeps absolutum in suos imperium exercet, ac sine ulla justa causa vitae necisque potestatem sibi in eos usurpat. Quà ratione, quò ad modum domi-^{Forma Reipub. Moscov.}nandi, reliquos universi orbis monarchas superat. Autoritatem enim suam, vel potiùs tyrannidem tam in ecclesiasticum quàm civilem statum extendit, liberèque; ^{Moscov. via Principis tyrannis.} ac ex voluntate sua de omnium & vita & bonis constituit. Consiliariorum, quos habet, nullus tantae est autoritatis, qui dissentire, aut in re aliqua, etiam iniquissimam, ei resistere ausit. Omnes fatentur palàm, voluntatem Principis voluntatem Dei esse, ac quicquid Princeps egerit, ex Dei voluntate agere: ob id etiam Dei clavigerum, ac cubicularium nuncupant, executores denique divinae voluntatis credunt. Unde Princeps ipse, si quando pro captivo, aut re aliqua gravi preces interponuntur, respondere consuevit: cum Deus jusserit, liberabitur. Pari ratione si quispiam de re aliqua incertam ac dubiam quaerit, respondere communiter solent: Deus scit, & magnus Dux. Incertum, an tanta gentis immanitas tyrannum Principem exigat: an Principis tyrannide gens ipsa tam immanis, tamque crude-

P 3

crudelis efficiatur. Fratribus, affinis, cognatisque suis nec arces ad legitimè possidendum permittit, nec etiam confidit, solummodò aliquos ad arbitrium suum castris ac possessionibus certis præficit, ac tandè illis qualibet levi de causa infensus, omnia, ut sua, adimit. Ex plebeis equites, Palatinos, atque Consiliarios plerunque suo arbitratu, nullo repugnante, creat: Ex consiliariis rursus five equitibus plebejos, bonis illis ademtis omnibus & publicatis, reddit. Eodem modo Metropolitans, Episcopos, Abbates, Prioresque monasteriorum suo iudicio legit, ac deponit, omnes juxta servitute premit onerosâ, adeò, ut quemcunque penès se in aulâ esse, aut in militiam ire, aut legationem aliquam agere jusserit, præstare id sumptibus cogatur suis, exceptis adolescentulis, tenuioris fortunæ nobilium filius, quos paupertate oppressos quotannis assumere, eosque inæquali stipendio proposito alere consuevit. Porro quibus in annum sex numerantur aurei, iis tertioquoq; anno stipendium exolvitur: quibus autem in singulos annos dantur duodecim, non tenentur ad quodvis exequendum munus suis & sumptibus & equis aliquot esse parati, ac expediti. Eminentioribus, qui legationem, aliaque graviora ob-eunt officia, aut præfecturæ, aut villæ, aut prædia habitâ cujusque & dignitatis & laboris ratione attribuntur.

untur. De quibus tamen singulis certos census annuos Principi pensitant: mulcta duntaxat, quam à pauperibus aliquid fortè delinquentibus extorquent, & quædam alia illis cedunt. Hujusmodi autem possessiones, utendas fruendas plerunque ad sesquiannum concedit. Si quem tamen singulari prosequitur gratiâ, menses addit aliquot: sed elapsò eo tempore cessat omnis gratia, totoque sexennio gratis illi deinceps servendum est.

CAPUT XX.

De titulo Principis Moscoviæ.

Appellatur autem Princeps vernaculâ Czar, quod Regem Russis significat. Communi verò Slavonicâ linguâ apud Polonos, Bohemos, Moravos, & alios omnes, sumtâ quadam consonantiâ ab ultima, eaque gravi syllabâ Czar Cæsar seu Imperator intelligitur. Unde omnes Russici idiomatis ignari, Bohemi, Poloni, atque reliqui Slavi alio nomine Regem nuncupant, nempe Krol, Kral, Kiral, & Krol: Czar verò solummodò Cæsarem seu Imperatorem dici existimant. Unde Russi interpretes audientes, ab exteris hoc nomine Imperatorem significari, coeperunt & ipsi Principem suum Imperatorem Russiæ appellare, nomen Czar dignius esse, quam Regis (licet idem sonent) putantes. Cæterum

terum in omnibus eorum historiis, cum sacris tum profanis, ubiq; Regis nomine Czar, Imperatoris vero Kesar reperitur. Sic quoque Tauricae Rex Tartarorum Praecopensem Czar, hoc est, Rex nuncupatur, omnesque Tartarorum Reges hoc efferuntur nomine. Sed plures huius vocis ignorantia decepti, omnes Reges hoc nomine Czar vocatos. Caesares esse arbitrantur. Nonnulli etiam Moscorum Principem nominant album Regem, vel quod Russia alba ei subiecta sit, vel quod incolae vestibus & pileis plerunque albis utantur. Porro Regis titulo utitur ad Romanum Pontificem, Imperatorem, Sveciae, ac Daniae Reges, Turcicum Imperatorem, & quondam ad Prussiae Livoniaeque Magistros. Ipse vero a nemine horum, nisi forte a Livonibus Rex salutatus. Ad Poloniae autem Reges magni tantum Ducis nomine uti consuevit, titulo Regis omisso, neuter enim horum literas alterius novo auctas titulo acceptare dignatur. JOANNES tamen Basilides & ad Poloniae Regem STEPHANVM clariss, memoriae Regis titulum usurpavit, verum ab illo nunquam, nisi magni Ducis titulo honoratus est.

CAPUT XXI.

De inauguratione Principis Moscoviae.

Inauguratio

INauguratur Moscorum Princeps in totius Moscoviae

viae metropoli à metropolita, cui assistunt Archiepiscopi, Episcopi, Abbates, Priores, totusque Ecclesiasticorum conventus, solemnibus ornamentis induti, idque in divae Virginis aede. Ubi canitur à metropolita totoque clero oratio D. Virginis, & S. Petri confessoris, quem illi miraculosum vocant. Deinde Metropolita Deum precatur pro novo Duce, ut eam protegat, longitudinem dierum illi det, cor ejus in timore dirigat, à mala fide avertat, ut judicet populum in ecclesia, justitiam afflictis praestet, filios pauperum conservet, ac tandem regnum consequatur coeleste. His finitis, imperat duobus Abbatibus metropolita, ut sibi barma, quod est ornamentum ducale, porrigant, quod una cum pileo ducale tegumento quodam sericeo obducitur, illoque novi Ducis caput tegit, ac post precatur, ut Deus eum sub protectione conservet, in regno contineat, quò semper bona ac decentia agat, clarescere faciat justitiam in diebus suis, amplificationeque dominii sui, & ut in tranquillitate ejus quietè sine discordia vivant, in omni bonitate & puritate. Tandem pileum ducalem, ab Abbatibus sibi porrectum, crucis signo adhibito magni Ducis capiti imponit, cui deinde Archiepiscopus & Episcopi accedentes manu benediscunt. Interea Diaconus canit litaneiam, quàm peractâ, iterum metropolita addit orationem ad divam virginem.

Q

nem. Post canunt sacerdotes multos Magno Duci annos precando. Secundum illa Metropolitae, Archiepiscopi, Episcopi, totusque clerus ordine magnum Ducem accedunt, eumque debito consalutant honore. Exin Metropolitae ad magnum Ducem se convertens, sui eum admonet officii, ut timeat Deum, amet iustitiam & iustum iudicium, curam recte fidelium habeat. Deinde surgitur, Metropolitaeque orans magno Duci benedicit. Tandem liturgiâ absolutâ, magnus Dux pileo ducali, ac barba ornatus, ex æde magnâ nobilium catervâ ad divi Michaelis Archangeli pergit, ubi in vestibulo supra pontem à quodam principe viro denigis aureis ter aspergitur, templumque ingresso sacerdotes litaneiam orantes pro more ei benedicunt, ac juxta sepulcra atque monumenta crucis signo eum signant. Hinc rursus, templo egrediens, in porta aureorum numorum projectione honoratur. Tandem rectâ in templum Annunciationis beatæ Virginis progreditur, ubi sacerdotes pariter ei benedicunt, ac numi missiles, ut antè, in magni Ducis honorem sparguntur.

CAPUT XXII.

*De legibus Moscorum.*Leges
Moscor.

Legum, ut sit sub tyrannide, magna est paucitas, si quidem Princeps tyranni more cum eis agit, ac legi vo-

gi voluntatem suam substituit, illis hac in parte adsentientibus. Sic enim censent, à Metropolitae edocti & persuasi, se cum Deo per Principem tanquam Dei vicarium atque internuncium conjungi: ideoque ejus voluntatem divinæ æquiparant, & sive is voluerit, aut præceperit bona sive mala, turpia sive honesta, quas liacunque fuerint illa, nefas recusare putant, dictitantes, voluntatem Principis ac Dei unam eandemque esse, ac talem divinitus Principem obtingere, qualem meriti sunt, benignum vel asperum. Hæc sanè omnia libertati aureæ, quâ aliæ gentes cultiores gaudent, plurimum derogant, ac tyrannidem ingenuorum hominum pessundatricem stabiliunt atque confirmant: quando ab unius nutu atque arbitrio subditorum salus, vita, opes, fortunæ, & omnia etiam clarissima dependent. Hac una re potentia opesque Moscorum Principis creverunt unâ cum crudelitate, ac intolerabili dominandi asperitate. Legum paucitatem ac tyranni absolutum dominium non parum etiam adjuvat duplex religionis eorum opinio. Primò enim omnes alios, qui ab illis in religione dissentiunt, etiam eos, qui Romanam sequuntur religionem, barbarorum loco habent, ac eorum conversationem fugiunt: eamque ob causam Princeps, qui subditis hac in opinione præit, quoties

externorum Principum legatos in colloquium admittit, pelvim aquâ impletam in promptu habet, quâ dimissis legatis manus ilico quasi eorum contagio pollutas abluat. Accedit ad hoc, quod ex suæ religionis institutis statuunt, eos, qui Principis voluntati parendo vita privantur, protinus beatos fieri, eorumque animas à corporis mole separatas in loca cœlestia concedere, non minùs ac martyrum vel discipulorum Christi, qui in vera erga ipsum fide constanter ad extremum usque spiritum perseverarunt.

CAPUT XXIII.

*De oratoribus domesticis aliò mittendis,
atque exteris accipiendis.*

Oratores
Mosci ad
exteros
Principes.

ORatores five legatos ad Principes externos Moscorum Princeps missurus, magno cum comitatu mittere in more habet, ac præsertim ad Poloniæ Reges, cum quibus controversia ipsi sæpè est ratione finium, imò & nonnunquam bella. Aulicis omnibus ac Nobilibus, quos legatis adjungit, vestium solennium, armorum, & id genus ornamentorum ex thesauro suo ad usurpandum prætextu usuræ solvendæ copiam facit, administratorque horum substituitur, qui omnia ornamenta unicuique secundum ordinem, quoties opus fuerit, distribuit, rursusque ab eisdem recipit

cipit, ac reservat. Ex legatione tandem reversi, certam pro usurpatione vestium & cæterorum ornamentorum pecuniam ex pacto Principi numerant, vestesque restitunt. Quod si quid à quopiam commaculatum fuerit, illud verberibus castigatus solvere tenetur. Quicquid verò Oratores ad Principes extraneos missi preciosarum rerum reportant, id Princeps in suum fiscum reponit, aliis gratiæ spem ipsis faciens.

Exteriorum vicissim Principum oratores hoc modo à Moscis excipiuntur, atque tractantur. Orator in Moscoviam proficiscens, ejusque limitibus appropinquans, nuncium ad proximam civitatem mittit, qui ejus civitatis Præfecto indicet, se Oratorem talis Principis limites Moscoviæ ingressurum. Mox præfectus non solum, à quo Principe mittatur, sed cujus etiam conditionis autoritatisque sit ipse Orator, item quotus veniat, curiosè inquit: quibus cognitis, aliquem eum comitatu, habitam Principis, à quo mittatur, dignitate, quàm Oratoris ratione, ad excipiendum & deducendum oratores mittit. Interim etiam Magno Duci, unde, & à quo veniat, continuò significat. Missus ex itinere pariter aliquem è suis præmittit, qui Oratori significet, magnum hominem advenire, qui eum certo loco, locum designans, excepturus sit. Porro magni hominis titulo propterea utuntur, quod hoc ho-

Exteriorum
Principum
Oratores

noris indicio excellentiores solummodò dignantur. Neque enim quenquam strenuum, aut nobilem, aut illustrem, magnificumque vocant, aut alio denique id genus titulo ornant. Ceterùm in congressu ablegatus ille adeò non cedit de loco, ut nivem hiberno tempore, ubi subsistat, verrere seu terere ita jubeat, quò Orator præterire queat, ipse interim trita viâ se non movens. Præterea etiam hoc observant: mittunt nuncium ad Oratorem, qui eum admoneat, ut ex equo seu vehiculo descendat: si verò aliquis vel lassitudinem, vel ægritudinem causatus fuerit, id responsi dant, quòd nec proferre, nec audire verba Domini, nisi stando, liceat: imò nuncius diligenter cavet, ne prior ex equo aut rheda defiliat, ne videatur hac re Domino suo derogare: quin ubi Oratorem ex equo descendere animadvertit, tum demum & ipse defilit. Sub hæc accedens aperto capite inquit: Magni Domini, Dei gratiâ, Regis ac Domini totius Rusiæ, ac magni Ducis, &c. recitando potiores Principatus, locum tenens ac præfectus N. provinciæ, curat tibi significari, postquam intellexit, te oratorem tanti Domini ad magnum Dominum nostrum venire, misit nos obviam, te ut ad se deduceremus (repetendo titulum Principis ac locum tenentis). Præterea nobis demandatum est, ut inquireremus, quàm sanè equitaveris, (is enim mos

dus

Ceremoniæ in
excipien.
oratorib.

dus est in excipièdo). Dein Oratori dextram nuncius porrigit, neque rursus honorem prior exhibet, nisi videat, Oratorem caput denudare suum. Sub hæc humanitatis fortè officio adductus, ultro oratorem compellat, quærens, quàm sanus equitasset. Postremò dat signum manu, innuens, ascendendum & pergendum esse. Consensus tandem equis aut vehiculis, subsistit loco unà eum suis, neque viâ cedit Oratori, sed postremus eminens sequitur, curatque diligenter, ne quisquam retrocedat, aut subsequatur. Progrediente Oratore, mox sciscitantur primùm nomen Oratoris, ac singulorum servitorum: nomina item parentum, & ex qua quisque provincia oriundus sit, qualem quisque calleat linguam, & cujus sit conditionis, an Principis alicujus servitor, an Oratoris consanguineus, aut affinis sit, & an prius quoque in eorum provincia fuerit. Quæ singula ad magnum Ducem per literas continuò referunt. Porro cum paululùm progressus est Orator, occurrit alius quispiam, mandatum se à locum tenente habere prætendens, ut ipsi de omnibus necessariis provideat.

Nec illud prætereundum, quòd, quotiescunq; Oratores in aulam deducèdi sunt, tum vulgus Nobilium, stipendiarii, ac milites ex vicinis regionibus mandatu

Prin

Principis convocentur, urbis tabernæ atque officinæ sub id tempus occludantur, vendentes ac ementes foro pellantur, cives denique undiquaque eò confluant. Hoc autem ea propter fit, ut ex tam ingenti hominum multitudine Principis apud peregrinos potentia: ex crebris verò externorum Principum legationibus majestas conspiciatur.

CAPUT XXIV.

*De Senatu, præfectis, satellitibus,
& veredaris.*

Senatum sive consiliarios Princeps, ut à tyrannide alienior videatur, in speciem sibi adjungit, quos tamen rariùs, aut etiam nunquam in consilium adhibet, pro libidine omnia agens. Eos ex antiquissimis Ducum à Moscoviæ tyrannis oppressorum familiis constituit, aut quos illi pro gratia ac meritis cujusque ornare, & dignitate augere libitum est. Præfectos plerunque tres designat. Unum, qui munitionum sibi commendatarum curam gerat: & huic extra munitionem egredi quacunq; necessitate exigente, ne dum extra eam pernoctare integrum non est. Reliquos duos huic primò custodes adjungit, & ex his alteri, si necessitas urgeat, ac Principis expressum mandatum accesserit, excursiones facere, munitionesque excedere con-

re cõceditur. Hosce præfectos vernaculâ VVoievodas, quasi belli duces, appellant, idque ad Polonicorum Palatinorum exemplum, licet non æquè perpetua ibi sit hæc dignitas, ac apud Polonos, & ea unici castri, ac inter plures plerunque distributa gubernatione terminetur. Prætoris seu judicis à Principe constituti personam Ocolnik sustinet: aliàs supremus consiliarius, ^{Ocolnik,} qui semper circa Principem est, eo nomine salutatur. Nedel'snick est commune quoddam eorum officium, qui homines in jus vocant, delinquentes capiunt, carceribusque coercent. Atq; hi Nobilium numero continentur. Porro Princeps cum Nobilium alicui munus sive officium aliquod mandat, baculum illi in manum tradit: quo significatur, ut ei in omnibus, veluti Principi, obtemperetur. Quum verò officio deponitur, tùm baculum illum in manus Principis, vel ejus vices gerentis reddit. Stipatores seu satellites Princeps ad tutelam corporis sui, perinde ut Turca Janizaros, aliquot millenos alit, ex quibus major pars sclopetariorum cum bombardis longioribus, reliqui cum frameis, arcubus, lanceis, ac loricis armati incidunt. His JOANNES Basilides primus pro explenda tyrannide sua tanto numero uti ccepit. Veredarii ^{Satellites,} dispersi in locis justo cum eqvorum numero disponuntur: ut cum cursor regius aliquò missus fuerit, eqvum nullà

nullâ morâ interpositâ in promptu habeat. Est autem cursori liberum, ut, quemcunque voluerit, eqvum eligat. Solet veredariorum, seu, ut vulgò vocant, postarum præfectus, qui illis Jamník dicitur, aliquando triginta, nonnunquam quadraginta, quinquaginta-ve eqvos curare adducendos. Quilibet igitur eqvum, qui commodus videtur, sumit: quibus defessis, cum ad aliud in itinere diversorium, quòd Jama appellant, pervenitur, continuò, ephippio ac freno retento, permutantur. Licet autem cuilibet cesserrimo uti equorum cursu, ac si fortè aliquis concidat, ac durare non valeat, tum ex proxima quaque domo alium rapere, aut altroqui abs quovis obviam fortè occurrente, Principis duntaxat cursore excepto, sumere impune quidem concessum est. Eqvum porrò in itinere viribus exhaustum, relictumque Jamník requirere, alterumque ei, cui ereptus erat, restituere, preciumque ratione itineris habitâ persolvere obligatur.

CAPUT XXV.

De juris forma apud Moscos.

Juris for. **I**uris forma apud Moscos ejusmodi est: si quæ lis apud illos oritur, fundorū Domini primū judices constituuntur, hi si componere litem nequeant, superiori magistratui certamen deferunt. Accusator à ma-
gistratu

magistratu petit, ut liceat sibi adversarium in jus trahere, mox potestate factâ satellitem accersit, ac reum sistit, inque jus rapit. Hujus tibias flagris cædit lictor, donec proferat, qui legi latisdet. At reus, si ejus fidei non sit, ut vadem inveniatur, manibus collo constrictis à lictore trahitur, verberibusque eò usque afficitur, donec ad dicendam causam coram judice compareat. Reus itaque à magistratu interrogatus, (verbi gratiâ in actione æris alieni) an in illius ære sit, à quo accusetur: ille si inficias eat, tum judex, quî potes inficiari? inquit. Cui reus, jurejurando, infert. Mox à magistratu prohibetur lictor, ampliùs verberare, donec certiori fide de lite constet. Carent magno Reipublicæ malo, leguleiis & ptocuratoribus. Quisque sibi advocatus est, quisque causam exponit suam, atque accusantis querela, rei que defensio supplicum literarum formâ Principi traduntur, justam Principis sententiam petentium. Ipse Princeps omnium litem, majorum præsertim controversiarum, cognoscit, ac cognitâ lite sententiam fert. Ad extremum cum utraque pars, quibus potuit argumentis, causam suam confirmavit, rogat judex accusatorem, an ulla causæ suæ argumenta adhuc supersint. Respondet, se vel pugilem suum manu strenuâ etiam in hostem comprobaturū, ac

Monoma-
chia
actoris
&c.

mox postulat, ut singulari certamine congredi liceat, copiâque certandi utriq; factâ, ambo ad monomachiam se accingunt: aut si alteruter, vel uterque parum strenuus, aut pugnae minus habilis sit, pugiles publicos substituunt. Habent enim pugiles, quibus solo hoc quaestu victus constat: hi armati in arenam descendunt. Tela sunt ut plurimum clava bellica, & venabulum. Fit pugna pedestris. Cujus igitur pugil in certamine superatur, is absque mora in vincula conjicitur, ubi indignis tractatur modis, donec cum adversario certamen finiat. Præter hæc, si uterq; claris sit ortus parentibus, atq; alterum privatum hostem deposcit, annuit iudex: nec tum vicariis pugilibus fas est uti. Porro luculento natus loco, hostem obscuriore ortum familiâ in duello respuit.

Si quis pauper ære alieno obstrictus creditori solvendo non sit, arripit illum creditor, atque eò usque in opere faciendo exercet, vel alteri operam obærat locat, donec operando debitum persolvat. Sunt qui sponte se, uxorem, & liberos insignioribus per omnem vitam emancupant, & initio exiguum pecuniæ summam accipiunt, ac post pro reliqua vita alimenta capiunt. Adeò illis vilis est libertas. JOANNES Basilides, alioqui crudelis & injustus, nulla in re vehementius ac diligentius, quam in puniendis æris alieni de-

ni debitoribus, laboravit, omni eos beneficio indignos existimans, qui nequaquam gratâ manu alienæ fortunæ muneribus fruerentur. Nemo enim vel civis, vel peregrinus, qui emendo aut vendendo nomina fecisset, nemo vel minimus debitor fuit unquam, qui fustuarium tyranni non senserit. Ex his adventitios & parum notos homines, civesq; adeò suos, & summos & infimos, certis diebus egrediens ex templo, monstrare, ac per civitatis regiones circumducere est solitus, eò præsertim libentius, cum obsoletâ veste indutos, ac probè fustigatos conspiceret. Alieno enim æri obnoxios in Republica ferre nolebat, quos ad omnes exercendæ perfidiæ occasiones paratos esse dicebat.

In furto si quis primum deprehensus sit, nisi forte sacrilegii aut plagii accusetur, in carcerem conjicitur, ac subinde flagellatur, neque ob primam noxam suspenditur. Atque hanc misericordiæ legem appellant. Qui secundo delinquit, illi nasus præciditur, aut stigmate frons signatur. Tertia noxa crucem meretur. Si aliquis conditionis vilis aut vitæ suspectæ insimuletur furti, vocatur in quaestionem. Si verò furti convinci non potest, datis fidejussoribus, dimittitur ad ulteriorem inquisitionem. In prædones severissime animadvertitur, quibus comprehensis calcanea pri-

Furti
pœnâ.

Prædona-
tum pœnâ.

In male-
ficorum
menti
genus.

mum frangere, dein in biduum aut triduum usque, dum intumescant, quiescere: post fracta jam ac intumefacta rursus motare jubent. De maleficis quum quaestionem habent, reos multâ frigidâ supernè demissâ perfundunt. Nonnunquam obduratis & contumacibus, ut criminis confessio exprimatur, ligneis cuneolis digitorum ungues conveiluntur. Cum brutis rem habentes ne illi quidē ultimo puniuntur supplicio.

Iustitia
venalis.

Quamvis verò Princeps acerbè severus sit in magistratus malos, jus pervertentes, nihilominus tamen omnis iustitia & palam ferè venalis est. Erga quos sæpius dictus ille tyrannus, si convicti fuissent, diverso supplicii genere usus est. Quosdam etenim præfectos, qui aut cives aut mercatores expilassent, virgis lacernari, nonnullos baculis contundi, alios sericâ veste splendide indutos per civitatis vicos huc atq; illuc circumduci curavit, nullis quidem equis, sed carnificum turba currum trahente, qui scuticarum strepitu ac fragore auras verberabant. Postea cum ad regiam adducerentur, an verberibus mulctati essent, interrogabat: illis metu consternatis ac musitantibus, nunc, inquit, vestrarum poenarum nuncios audivistis: cave te, ne ipsum legum mearum rigorem experiamini. Quod tunc fiet, cum denuò actio malè gestæ munera contra vos fuerit instituta. Nonnullis etiam, quibus
privas

privatim poenam irrogare placebat, ferrato scipione utrumque pedem perforare solitus erat: quosdam peli ursinæ inlutos in forum publicum pertrahēbat, ut ita canum laniatu rotati miserabile cæteris spectaculum præberent.

CAPUT XXVI.

De belli gerendi ratione.

Belli gerendi ratio est eadē apud hanc, quæ apud alias gentes, tam enim equitatu quàm peditatu constat, quamvis ante BASILLVM. eorū Principem tormentorum ac peditatus in bello apud ipsos nullus usus fuerit, ille enim primus tormenta adhibere cœpit. Campo & conflictui aperto non fidit, sed in munitionibus duntaxat spem omnem ac fiduciam locat. Hinc tyrannus in oportunis locis intra lacuum ac fluminum circuitus turres & arces munitissimas extruxit, & quidem ab initio imperii sui semper munitionibus studuit erigendis. Quum enim Mosci viderent, se in prælio non posse contra hostes stare, aut certè semper succumbere, in munitiones & castella confugiebant, ibidemque & hostem repellendo, & seipsos recondendo, pugnabant. In quem finem vario apparatus bellico comœatuque talia loca instructa habere solent, ut obsidionem diu tolerare, ac
contra:

Belli gerendi ratio.

contra hostem defendere se valeant. Adhuc igitur, cum animadvertant, se vicinis suis, maximè verò Polonis in bello pares non esse, castella huiusmodi atque arces benè munitas retinent. Materia castellorum huius generis, ut in siluosis regionibus solet, sunt trabes ingentes, maceriâ & terrâ obrutæ, inter seque compactæ, ac firmiter devinctæ, quorum castellorum summitatem cespes viridis vestit & decorat, ac circum circa propugnacula, turres frequentes, atque fossæ, sive naturales, sive arte factæ accessum ad ea prohibent. Quæ ædificia non solum aspectu pulchra sunt atque eximia, sed etiam ante bellum à laudatissimo Rege STEPHANO gestum pleraque candentium globorum jactu exusta expugnataque fuere, ad defensionem tutiora commodioraque credebantur, quod tormentorum ictus facilius maceria sustinet, & globos explosos cedendo in se recipit, neque tota concutitur, ut in muris è cocto lapide videre est, ubi cimenti, quo lapides sunt veluti glutinati, disfilii, ac magnam muri stragē secum fert. Illæ tamen arces atque propugnacula, quæ Livoniam spectant, ex lapide etiam muros habent. Præsidarios sive præsidēs munitionum ex Nobilitate quotannis constituit, idque pro arbitrio, neque diuturniorem quàm annuam hanc eorum præfecturam esse vult: quibus addit ex plebe militem stipendiarium, quos *Quos* præsidarios vocant.

Quoties verò finitimorum injuriæ in bellum evocant, haud unquam infra nongenta millia hominum in hostem armat, ex quorum numero trecenta millia in aciem secum educens, reliqua in defensionem provinciarum, in præsidiis per apta loca disponit.

Agricolam sive colonum nullum, nullum etiam mercatorem in militiam legit. Tanta enim est populi multitudo, ut his relictis, terra alioqui populosa juventutem bello abundè suppediter. Potest autem Moscorum Princeps exercitum longo tempore ingentem sustentare, neque enim militibus stipendia numerat, aut, si qua, perexigua: sed agros illis vili elocat precio, quo beneficio militum operam compensat. Milites verò conscripti coram Principe singuli comparent, & numum unum, quem patrio nomine dengam vocant, Principi dant: quem reversi ex bello repetunt. Ita occisorum numos Princeps retinet, atque hinc illorum numerum cognoscit. Omnes denique & singuli tam stipendia merentes, quàm Principis gratiam expectantes, in militiam suis impensis ire coguntur, quæ non tam ingentes sunt, ut alibi. Nam quicumque sex equos, totidemque servos habet, ex iis uno tanquam bajulo, qui vitæ necessaria *in bello.* portet, utitur.

Inprimis habet milium contritum in sacculo, longitudine duorum aut trium palmorum: dein suillae carnis salis libras octo aut decem. Habet & sal in sacculo, ac, si locuples sit, pipere mixtum. Præter hæc unusquisque secum fert securum, fomitem, lebetes, aut ollam cupream, ut, si aliquò fortè deveniat, ubi nil fructuum, allii, cepæ, aut carnis reperiat ferinæ, ignem accendat, ollamque aquâ repleat, in quam cochlear milii plenum sale addito injicit, ac coquit: eo cibo & herus, & servus contenti vivunt. Porro si herus nimium famelicus fuerit, totum absumit: itaque famuli aliquando, ventri bellum indicentes, ad biduum vel triduum strenuè jejunt. Adhæc si herus lautius vult epulari, tum addit parvam carnis suillæ portiunculam. Farinam etiam de avena subtiliter commolitam habere solent, cujus aliquot cochlearia pransuri in cistellam imponunt, modicoque aquæ mixtam comedunt. Sin autem fructus, aut allium, aut cepas habeant, facile aliis omnibus carere possunt. Et hic est mediocris conditionis, sive gregariorum militum victus. Duces exercitus, & alii militiæ præfecti pauperiores aliquando ad se invitant: qui sumpto prandio lauto interdum ad biduum vel triduum fortiter esuriunt.

Arma.

Arma gentis communia sunt: arcus, telum, securis, & baculus instar cæstus. Frameam nobiliores gestant.

stant. Pugiones oblongos in cultellorum modum dependentes in vaginis adeò reconditos habent, ut vix ^{suprema} capuli pars attingi, aut necessitate urgente apprehendi possit. Lorium pariter freni longum, & in extremitate perforatum adhibent, quod digito sinistro annectunt, ut arcum prendere, extensumque tractare queant. Quamquam verò simul & eodem tempore manibus teneant frenum, arcum, frameam, telum, atque sigillum, istis tamen scitè ac sine ullo impedimento uti nōrunt. Quidam lautioris fortunæ, lorica, thorace affabre ceteris ex quibusdam squamis concinnato, & armillis muniuntur: paucissimi verò cristà instar pyramidis in summitate exornatâ insigniuntur. Sunt qui habent vestem bombycis lanâ suffartam ad ictus quoscunque sustinendos. Lancea quoque apud illos usitata est. Equi illorum parvi, castrati, soleis carentes, levisima frena, tum ephippia eum in usum accommodata, ut se in omnes partes nullo negotio vertere, arcumque intendere queant. Pedibus usque adeò attractis equo insident, ut nullum hastæ telique paulò vehementiorem ictum sustinere valeant. Calcaria paucissimis, flagellum plerisque in usu est, quod semper minimo digito dextræ inhæret, ut id, quoties usus postulat, apprehendant: rursus, si ad arma deventum fuerit, projectum è manu pendeat.

Castro-
rum col-
locatio
ratio.

Castris collocandis amplissimum eligunt locum, ubi praestantiores tentoria erigunt: alii verò ex arbutis veluti arcum in terram figunt, penulisque tegunt, quò ephippia, arcus, & id genus alia recondant, seque ab imbre defendant. Equos ad pascua pellunt, quorum causa tam latè disjuncta tentoria habent, quæ nec curru, nec fossâ, nec alio quovis impedimento læpiunt: nisi fortè locus naturâ sit, aut silvis, aut paludibus, fluminibusvè munitus.

Tormentorum
ratio.

Tormentis ita utuntur, ut ea terrâ defodiant, ante ea & os tubi justæ profunditatis fossam ducunt, in qua, qui onerandorum tormentorum curam gerunt, delitescunt: ad os tubi funis adaptatur, hoc cum implenda sunt, in fossam deprimuntur, cum verò exoneranda, rursus laxantur.

Conse-
re, de
pugna
ratio.

Quoties cum hoste conferendum est, incompo-
siti in agmen hostile procurrunt, neq; aciem dirigunt; sed in insidiis collocati, hostes adoriuntur. Ac quidem primo impetu audacissimè aggrediuntur, nec diu perseverant. Quamprimùm fugam arripiunt, nullam salutem cogitant, præter eam, quam fugâ habere possunt. Ab hoste capti, nec se defendunt, nec veniam precantur. Prælium ingressi plus spei ponunt in multitudine, quàm in robore militum, ac instructo præ-
bè exercitu: feliciusque eminus quàm cominus pugnant

gnant: atque ideò hostem circumvenire, à tergoque invadere præcipuè student. Civitates raro vi aut ini-
pressione aciore expugnare, sed longâ magis obsidio-
ne, homines fame, aut proditione ad deditonem ad-
gere consueverunt. Tubicines multos habent, qui dum omnes unâ tubas inflant, asperum atque incon-
cinnum quendam sonitum edunt. Habent & aliud
instrumentum musicum, quod Surmam appellant. Hoc quæ utuntur, continuo ac sine intermissione in-
flant per unam horâ ferè naribus spiritum paulatim attrahentes, buccis antea aëre distentis, canunt. Vel gerunt etiam singuli parvum tympanum ad ephippia sus-
pensum, quo, quoties agmen sisti usus est, à primo im-
pulsio, sonoq; à primis excepto, ac cæteris deinceps tra-
dito exiguo tēporis momento totus exercitus consistit.

Civitas
expugnatio
ratio.

Tubici-
nes &
Musici.

Cæterum, si cujus operâ Princeps in bello strenuâ usus est, hunc prædio aut fundo aliquo donat, in alim-
entum sui suorumq; quæ tamen ad ipsum Principem post ejus mortē redeunt, si nulla virilis sexus proles contingat. Nam etsi numerosam foeminarum sobolem genuerit, hunc tamen hæreditarium agrum sibi Princeps vendicat, nisi quòd exiguâ fortè portionem ad puellas dotandas concedat. Porro qui Principis munificentia hoc modo munerantur, gravi obligantur pecuniâ, totum milites in bello alere, cum necessitas exigit, tenetur,

quot illis fundi redditus Principis censurâ abundè alere possit. Haud meliori sunt sorte, quibus agri hæreditario jure obveniunt. Si enim moriuntur, nec prolem relinqvunt masculam, demortui prædia fisco Principis protinus cedunt. Super hæc, si optimus aliquis bello inhabilis, aut pugnae insuetus ab aulicis ad Principem deferatur, qui rei militari non sat idoneus amplas habeat facultates, quibus multi clariori nobiliorique creti sanguine viri bello apti sustentari possint, mox accersitur infelix, & opibus, quas tanto cum sudore, totque laboribus per omnem vitam acquisivit, tantillo temporis momento exuitur: præterquam quod particulam aliquam à Principe recipit, ad se, uxorem, liberos, ac familiam conservandam. Hæc autem tam alacriter subditi præstant, ut aliena restituisse, non sua alieno dedisse, credantur. Sic bonis pro meritis singulorum aulicos donat Princeps. In bello etiam, quò quis sæpius in expeditionem mittitur, eò propensio-
riorem in se Principis favorem opinatur, etiam-
si tantos sumptus, totque pericula sustinere cogatur.

FINIS
NON PUGNA
CORONAT.

LECTOREM ÆQVUM.

Habes, LECTOR benevole, MOSCOVIAM, seu de origine, lingua, situ, fertilitate, moribus, consuetudine, religione, ritibus, ordinibus, atque magistratibus: *Reipublica item formâ, inauguratione, oratoribus, legibus, jure, ac militia MOSCORVM: in quibus, ut te non celem, secutus sum reorum Moscoviticarum scriptores notæ illustres; SIGISMVNDVM HERBERSTEINIVM Baronem, REINHOLDVM HEIDENSTEINIUM, Navigationem ANGLORVM ad Moscos, ex nobilis viri MARQVARDI FREHERI Consiliarii Electoralis Palatini bibliotheca, PAULI ODERBORNII, & alios, per quos profecisse me non diffiteor. Adjunxi etiam MOSCOVIAE tabulam ex probatissimis Geographis concinnatam. Quod studium meum quin optimam in partem interpretaturus sis, nullus omnino dubito. Vale mi lector, ac opuscula, quæ si ve calami, si ve operarum culpâ irrepererunt, suo loco restitue.*

LECTOREM NOVUM

Hic est liber primus de Moscoviam
et de rebus ibi gestis. Hic
liber secundus de rebus ibi gestis.
Hic liber tertius de rebus ibi gestis.
Hic liber quartus de rebus ibi gestis.
Hic liber quintus de rebus ibi gestis.
Hic liber sextus de rebus ibi gestis.
Hic liber septimus de rebus ibi gestis.
Hic liber octavus de rebus ibi gestis.
Hic liber nonus de rebus ibi gestis.
Hic liber decimus de rebus ibi gestis.
Hic liber undecimus de rebus ibi gestis.
Hic liber duodecimus de rebus ibi gestis.
Hic liber trigesimus de rebus ibi gestis.
Hic liber quadragimus de rebus ibi gestis.
Hic liber quinquagesimus de rebus ibi gestis.
Hic liber sexagesimus de rebus ibi gestis.
Hic liber septuagesimus de rebus ibi gestis.
Hic liber octogesima de rebus ibi gestis.
Hic liber nonagesima de rebus ibi gestis.
Hic liber centesima de rebus ibi gestis.



Russia

I Topogr.

а, н, н, н

